

Krönung Kaiser friderich

M. 1.

503.



J. Hall g. 1145 m



M 35



23 Im Unbegriffen Eubung

Des allerdurchlechtigsten  
vnd vnüberwindtlichsten fürsten vnd  
herren. hern Friderichen des dritten Rö-  
mischen Kayfers. Vnd frawen Leonora.  
Künigin auß Portugal. vermächelung  
vñ krönung ic. Darnach des allerdurch-  
lechtigsten vnd großmechtigsten für-  
sten vñ herren. hern Maximilian Römi-  
schen Königs ic. vnd seiner Maiestat sch-  
wester. Künigund genant. hochloblich  
geburd ic.

# THE HISTORY OF THE

REIGN OF KING CHARLES THE FIRST

IN WHICH ARE CONTAINED

THE SEVERAL ACTS OF PARLIAMENT

AND THE SEVERAL DECREES OF THE

COURTS OF JUSTICE

AND THE SEVERAL DECREES OF THE

COURTS OF CHANCERY

AND THE SEVERAL DECREES OF THE

COURTS OF COMMONS

AND THE SEVERAL DECREES OF THE

COURTS OF EQUITY

AND THE SEVERAL DECREES OF THE

COURTS OF THE EXCHEQUER

AND THE SEVERAL DECREES OF THE

COURTS OF THE ADMIRALTY

AND THE SEVERAL DECREES OF THE

COURTS OF THE MARSHALLS

AND THE SEVERAL DECREES OF THE

COURTS OF THE BENCH

AND THE SEVERAL DECREES OF THE

COURTS OF THE COMMONS

AND THE SEVERAL DECREES OF THE

COURTS OF THE EQUITY

AND THE SEVERAL DECREES OF THE

COURTS OF THE EXCHEQUER

AND THE SEVERAL DECREES OF THE



**I**em aller durchleichtigsten. großmächtigsten Fürsten vnd herrn herrn Maximilian Römischen künig zu allenzeiten merer des reichs zu Hungern Dalmacien Croacien. Künig Erzhertzog zu östereich Herzog zu Burgundy zu Brabant vñ Pfaltzgraf zu meinem aller genädigsten herren. Empeit ich Nicolaus bischoff zu ypponia. mein andächtiges gebett. zu dem allmechtigen got mit vnder tenigen willigen diensten zu aller zeit. Aller gnädigster herr. Als ich war nym das vil menschen lust haben in den geschichten der alten. also das sy tag vñ nacht vnru vnd schlaff damit vertreiben. vñ haben doch der warhait nitt mer in jnen dann als man gelaubt oder schätzt vnd acht. wiewil menschen sein. die da die gezierten wort der alten geschicht vnd poeten gedicht also binden. das sy nit allain erkent wöllen sein. wie sy ir tag oder leben darinn haben verzert. sonder auch des berümbt od gelobt sein. aber diser gegenwirtiger vnser zeyt. that vnd geschicht. aus dem die warhait sich vñ vnsern sinnen selbs offnet. die man klärlich mag loben vñnd preysen. das die seher vnd hörer der güten werck glouficiieren den vater in hymeln vñ die andern soliche güte werck zuthun. auch erweckt würden. die werden also zuruck gelegt vñ vergraben. das man klain gedächtnus oder wissen da von hat. so doch die Zeit vñ

gloir. ain mitgesell der tugent sein soll. Als wol zu  
vnsrer zeit. als in der alten. vnd so wol im leben als  
im tod. dann die tugent leydt in ir kayn laster. oder  
poshait. vnd darumb soll man die tugent loben.  
das sy wachß. vñ so man ain tugendreichen men-  
schen lobet. so gibt man ym das das sein ist. Ich  
weiß nitt ob es aines weisen mans aygenschafft  
vñ zaichen sey. das er verschweig das lob der güt-  
ten. vnd tugendreichen männer. zu der zeit. so man  
sy loben vñd preysen soll Vnd darumb Vñüber-  
windlichister vñ aller durchleichtigster fürst vnd  
herz. so mir wissendt ist. das etlich ewr künigklich  
Maiestat. lob also schepfen. das die selben bekenen  
das ewr künigklich Maiestat. von Herculis zeyt  
vnd der Römer von Auensperg. monte auentino  
zu rom. vnd den petronijs erbers herkomens sey.  
byß auf den Rüdolphum graff zu Auensperg. des  
namens. des ersten römischen künigs. Vnd dar-  
nach bis auff ewr Maiestat kinder. yedoch so hab  
ich pyßher wenig bücher der schreyber. in den dye-  
that vnd werck. ewr Maiestat vätter vnd vor-  
fordern Dida on zweifel. alles lob vnd preys. im  
höchsten würdig sein gesehen. Das sy wern dem  
gemain man mitgetailt worden. wiewol bücher  
vñ vil schreiber sein. mir ist auch wissen das ewr  
maiestat bücher hat. in den nit allain eür maiestat  
geschlecht Sonder auch auß der haydenschafft



her mangerlay ständt. geschicht. geschlecht vnd  
wappen des hauss Österreich yetz genent begrif-  
fen seind. Ich waiss auch das Fürmaiestat that  
vnd werck täglich geschriben werden. aber was  
bringē die alle frucht oder nutz. so man sy in kasten  
vñ truhē beschleüßt. was soll das gelt das man  
vergrebt in die erden. Aber so man sie in das liecht  
prächt. so prächtē sy nach art vnd eigenschafft  
güter vñ tugentlicher werck. lob. Eer vnd preys.  
vñ gäben den nachkommen denen nach zū volgen  
ain güt Exempel vnd ebenbild vnd der vndertä-  
nigen gemüt würden zū vndertenigkait vnd ge-  
horsamkait deſter mer gefürt. so vil die tugent. al-  
ter im ſtām wern geporn. Dañ machen der alten  
hayden vnd außgepornen werck vnd der Poeten  
gedicht kurzweil vnd lust. der geschlecht wir dañ  
nit gesehen haben. der ſamen zū puluer worden iſt  
wievil mer kurzweil vñ lust gebñ vns die tugent  
reichen geschicht deren die wir mit vnſern augen  
gesehen vñ von den wir gūts empfangen. die wir  
pillich darumb lieb ſollen han. die wir zū obern re-  
gierern Königen Fürsten vnd gnädigen herren  
gehabt vnd noch haben. Darum allerdurchleüch-  
tigſter König. Do ich yetz in kurtz meiner jungen  
tag schreiben hab vberſehen. do ſein mir zū hand  
genallen ettliche vngedundene ſexternell die da ge-  
ſchriben warn. von herr Nicolao lanckman von

Walckenstein. kaiserlichem Capellan in den begrif-  
fen ist Des allerdurchleüchtigsten herrn. herr Fri-  
derichs des dritten Römischn kaisers. vñ Leono-  
re seiner maiestat gemahel. bayde Für künigklich  
en Maiestat geberers vñ gepererin hochloblicher  
gedächtnuß. vermählung oder heyrat. vñ ir bay-  
der Cröning. Auch eür küniglichen maiestat vñ  
der durchleüchtigsten vñ hochgepornen frawen  
fraw Künigund Ewr küniglichen Maiestat  
swester vñ des durchleüchtigsten vñ hochgepor-  
nen Fürsten vñ herrn herr Albrecht Pfaltzgraff  
bey Keyn Herzog in obern vñ nidern Bayern ge-  
mahel vñ haufffraw. meiner gnädigsten frawen  
hocheerlich vnd loblich gepurt. Die selben hab ich  
wollen kund thün vñ offenbar machen den liebha-  
bern Ewr küniglichen Maiestat. vnd das es vil  
menschn möchten wissen. hab ich in Teütsch schle-  
chtlich. nit mit Canzelleischn vñ gesetzten worten  
aufgelegt. vñ durch die büchtrucker meren lassen  
vnd zu lob Ewr küniglichen maiestat vñ jrem ge-  
schlecht vñ samen an das liecht pracht. vnd auch  
darin. das die andern die Ewr maiestat vñ jrer  
vornordern vnd geschlecht werck vñ that. mit tu-  
gent geziert. in jren püchern geschribn haben. aber  
in jren almaren vñ truben verschlossen vñ verpor-  
gen halten. ain exempel vnd ebenpild nemen. vnd  
auch also thuen vnd pringen es an das liecht Das



der vatter der in dem hymel ist glorificieret werd.  
von dem da kumpt als güt vnd volkomne gabe.  
Hie mit beuillich mich Ewr küniglichen Maie-  
stat als meinem aller gnedigsten herren.

**D**er allerdurchleuchtigst vñ  
grofmechtigst herz Herz Friderich der  
dritt Römischer kayser Zu allen zeytten  
merer des Reichs Herzog zu östereich zu Steyr  
zu Kernten vnd zu Khrain.ıc. Graff zu Tyroll ıc.  
In dem als man nach Cristi geburt zalt Tausent  
vierhundert funfzig vnd ain jar In dem merzen  
Hat aus der Neren stat Saltzburger bistumb  
gesendt vñ geschickt zwen sein botten vñ redner  
procuratores vñ gwalttrager sonderlich mit vol  
komnem vnd ganzem gewalt. die andechtigen.  
maister Jacob mötz Baccalarius der hailigen ge  
schriffte vñ Nicolaū lanckhman von valckenstain  
seiner Maiestat Capellän In das reich Portugal  
Im züermäheln die vberklareste vnd allerschö-  
nestte Junckfraw Fraw Leonoram. dieda was  
ain tochter des durchleuchtigstñ künigs Eduardi  
zu Portugal loblicher gedechtnuß eeliche geporne  
tochter. Nun seind die selben potten komen durch  
Teütsch lannd zu dem Hertzogtumb Sophay in  
die stat Genes vñ vber das wasser Rodanum in  
das delphinat. daz dañder delphin der erstgeborn

sun des künigs von frantckreich regiert. vñ hab  
en da gelayt genomen vnd da dannen zů der Car  
thusen vñ zů sant Anthonien. da haben sy gesehen  
die wunderwerck sant anthonien. Darnach gen  
Langendoch da ist gar ain gůtz land. vnd dannen  
gen Montpesselon da ist gar ain merckliche hohe  
schůl. allermayst der Arzet. vnd forter gen Tolosa  
vnd runzeual. da kayser Karol vnd Kůeland wi  
der den künig vō Granat vñ die hayden gesigten  
Aber von sorg der hayden von armenia habñ die  
potten müssen umbwegs reytten. vnd sein komen  
gegen Cathaloniā. zů den stetten Narbonam vñ  
Parptimonem. da verkaufft man holtz vñ strow  
mit der wag. Darnach gen Gerundā. da haben  
sy gesehñ sant Narcissen leb Darnach gen Catha  
lonien zů der hauptstatt Barsilone. die dann ain  
grosse stat ist. vñ hat ain Port vñ zůlendung des  
mōres. da verkaufft man die menschen alls das  
vich. vnd da ist ain Bischof vñ ain hohe schůl vñ  
vast ain schön fürstlich palast In dem was die al  
lerdurchleuchtigist künigin von Arrogonia vnd  
het da iren sitz vnd wonung. Die hat den selben  
potten ire bueß geben in solchen worten. Maria  
von gottes genaden künigin zů Arrogonia vnd  
Sicilia zwischen vnd vber farum valents Jeru  
salem Hungern maioricarū. Sardina Corsica.  
Herzogin zů barchiona Athene Neopatria Ace-



ciam, Gräfin rosilionis vnd Teritonie germanie.  
stathalterin des durchleüchtigsten herrn künigs  
vnser allerliebsten haufwirts, vnd herren. Den  
Edeln lieben getreuen vnd andechtigen gemain-  
lich vn sonderlich vnsern stathaltern, gwaltra-  
gern, gemainen amptleuten Auch allen anndern.  
Mauttnern, zollern, auffmerckern. In den enden.  
künigreichen vnd lenden, des durchleüchtigsten  
herrn künigs vnser lieben haufwirts vnd herrn  
Auch des durchleüchtigsten künigs Castelle vn-  
ser lieben brüders vn iren vndergesatzten gegen  
würtigen vnd künfftigen das hayl vnd lieb. Wir  
thun eür ye dem kund durch dise gschrifft, wie die  
lieben vnser andechtigen maister jacob merz, in hai-  
liger gschrifft Baccalarius vnd Nicolaus lanck-  
man von valckenstain Cappellän vn potten des  
allerdurchleüchtigsten Friderichs römischn künigs  
vnser allerliebsten brüders sich begeben haben,  
in das künigreich Portugal vnd annder endt zū  
ziehñ, in gschafften des benanten allerdurchleüch-  
tigsten Römischen künigs, das sy iren weg sicher-  
lich mögen volsürñ Die wir sollen ermanen oder  
requirieren, die ermanen vnd requirierñ wir hie  
mit vnd bitten sy von hertzen Den oder anndern  
amptleuten vnd vnderthanen des durchleüchti-  
gsten Künigs vnser allerliebsten haufwirts vn  
herren, schaffen vn gebieten wir strengtlich vnd

wöllen. das jr von vnnsen wegen die benannten  
potten vnd capellan des aller durchleüchtigsten  
römischen künigs mit ir gesellschaft rossen vñ güt  
ern frey vñ sicher durch diereich vñ lender ewrem  
gewalt vnderworffen durch vnd herwider geen  
vnd ziehen lasset. vnd verhengt nit das yn oder ye  
mands auß irer gesellschaft laydigung oder wi  
derwertikait werd angelegt Sunder das Ir sy  
mit yrer gesellschaftlichen vnd günstlichen em  
pfahet zülafft. handelt vñ sy versehet mit sicherem  
ganning vnd gelaidt als oft yn das not thüt oder  
wirt not sein vñ ir daruñ werdt angelangt So  
weyt ir. die vns nitt vnderworffen seind vnserm  
liebsten herren Vnd vns ain groß geuallen thün  
Aber ir vnser herren vñ vnser vnderthan gehor  
sam sein. vnd vnsern zorn vermayden wellen oder  
züuermeidñ begern Geben zñ Barchione an dem  
neinden tag des monets Julij Nach der geburt  
des herren Tausent vierhundert fünffzig vñ ain  
jar der reich des benannten vnser herren künigs  
Sicilie vnd zwischen farum Im sibenzehenden  
der andern reich Im sibenvnddreyffigsten jarn.

**N**arnach sein die bestymbten botten gerit  
ten durch das reich Cathaloniam. das  
ist gar ain güts vnd fruchtperß lande.  
hat güt wein vnd frucht. Aber das volck ist ge  
naygt zñ krieg vnd raub. vnd seind komen zñ dem



reich Arrogonia durch vil merckt döffer vñ her-  
berg der hayden. In ain statt des selben reichs ge-  
nennet Garragosa da ist ain grosse hohe schül. In  
der selben statt seind drey kirchen der hayden vñd  
haben ain schül für die jungen hayden Vñd in der  
selben statt hat man alle wochen drey feiertag Alm  
freytag haben die hayden ain. Alm sambstag dye  
juden den andern. Alm suntag die cristen den drit-  
ten. vñ in dem selben jar in der selben stat hat man  
gehalten das perlament oder ain landtag durch  
Sanctā iusticiam. dann das selb reich arrogonia  
ward zū der zeit geregirt durch ain wolgeponen  
hochberiembtē vñd gelerten doctor der hieß san-  
cta iusticia die haylig gerechtikait. Dañ der künig  
was nit anhaym oder gegewürtig. Alfonsus der  
was auch künig zū Sicilia vñ saß zū Napels. vñ  
von dem selben haubtman des reichs Arrogonie  
haben die poten gelaidt genömen vñ seind kōmen  
durch stet vñd castell In ain stat genant Lereida  
ligt bey ainem grossen wasser. da ist ain hohe schül  
Vñd seind kōmen in das reich Nauerre durch stet  
vñd castell. in dem selben reich tragen die frawen  
hōmer an den styren oder häubtern mitt vil ge-  
zierden Vñd also seind sy kōmen in ain stat hayßet  
zū sant dominico. da ist ain bischofliche kirch. vñd  
bey dem altar sein hūner zū gedechnuß des wun-  
derzaichens. als ain bilgrin vñschuldig außershalb

der statmaur erhangen wardt. vñ durch sant Ja  
cob lebendig behalten bis sein vater gen sant iacob  
vnd herwider gangen was. als man list in sandt  
Jacobs legendt Daselbst was auff gestanden. in  
den jaren Tausend vierhundert fünfzig vñ ainß.  
gar ain grosse ketzerey die ward vertilgt vnd an  
ainem tag verprent man dreyvñfünffzig person  
man vnd frawen. dan sy sprachen sy fürten ain ge  
mainß vnd das leben Christi. vnd ainer auß inen  
was Cristus gehaissen. vnd ettlich aposteln vnd  
ettlich ander jünger. vnd hetten schön frawen vñ  
durchgiengen märckt vnd castell vnd predigten.  
Darnach komen die potten in ain stat haist Bur  
gus. da ist ain Erzbistumb vnd ain hohe schül.  
Vnd da haben sy von dem grossen hauptman ge  
layt genomen Vnd sein kommen gerehen weg zü  
dem reich Leonis. Aber da sein kommen vngener  
lich rayßig die haben die selben potten geführt mit  
gewalt zü dem künig in Hyspania. der dan zü der  
zeit mit grossen volck zü veld was. vnd hielt sein  
gezelte vñ veld wider den künig von Granat der  
da ain haid ist. Vñ der selb künig von Hyspania  
hat den selben potten in seiner sprach ain brieff vñ  
gelaidt geben. vnd seind also komen in das reich  
Leonis. vñ Leon ist ain grosse stat. da ist ain Erz  
bistum vnd hohe schül. Vnd sein darnach komen  
in das land Sturgus. da seind sy gewarnet wor



den als die frembden vnd von ferren landen. vnd  
seind da still gelegen etlich tag. dan ain mächtiger  
ritter vnd freyherz von Sibillia het angegriffen  
herin Alforum von Luna den hertzog zu Galicien  
mit brant vnd schwert Auff ain andern tag ha-  
ben sich veramt die potten in gestalt der bilgrein  
vnd sind kōmen mit andern pilgrin auff den weg  
gegen galicien Daseind die veind kōmen auff den  
berg rabanel mit dreihundert zu ros vnd fūß. mit  
grossen raub menschen vñ vichs Vnd zum erst-  
en angriff haben sy ettlich pilgrein geschlagen vñ  
haben alle die gefangen die in der gesellschaft wa-  
ren vñ die boten außgezogen ir gewand auch gelt  
vñnd ain ros genomen Also ist darzu kummen ir  
haubtman ain ritter. vor den seind sy auff die erdt  
genallen zu dem kuf der fūßen. vnd haben ym knei-  
endt reuerenz vnd eer erzaigt von forcht des tods  
vnd haben ir brieff vnd gelaydt von den künigen  
vnd fürsten gezaigt Aber der haubtman kert sich  
daran nicht. vnd mitt außgehebtten henden über-  
sich in den hymel vñ des cristenlichen gelaubens  
auch der hayligen sant Jacobs vnd Gōrgen wil-  
len auch angesehen die rōmisch künigklich Maie-  
stat haben sy gebetten den haubtman. vnd ym ge-  
zaigt des allerdurchleichtigsten herren des Rōmi-  
schñ künigs brieff. Da hat sich der selb haubtman  
erbarmt. vñ enpfangen die brieff des allerdurch-

leichtigisten herren herrn fridreich römischen künigs mit eer vnd reuerenz. Vnd also haben sy genad überkomen. vnd der haubtman hat den selbñ gelaydig brieff zñ ainer gedächtnuß behalten. vnd hat yn den botten vnd rednern nit wider geantwurt. Vnd do die rauber also von dannen seind gezogen Do seind die boten mit den andern pilgrin mit sinerzen vnd angst vñ grosser gedult kñmen in ain dorff das die rauber geblundert betaubet vñnd gebrant hetten. die hetten weder wein noch öl für die gewundten vnd gelaydigten bilgrin. auch für die andern noch für die roß kein speiß oder fütter. Aber an dem andern das ist an sant Vlrichs tag seind sy gen Galicia kommen in ain stat Ponteserrada. da wonet ain geborner graff der lihe den boten gelt die ym bekantnuß oder geltebrief gaben. das selb gelt habñ sy zñ Compostel zñ sant Jacob wider zalt. dan daselbst haben sy ain wegßel gehabt in der banck Cosme de medicis Vnd also seind sy durch stet vñnd castell des selben lands komen biß zñ sant Jacob Vnd die selb stat hayßt Compostella. da seind sy beliben von andacht vññ rñe byß an den dritten tag vñnd mesß gelesen. Darnach kamen sy sechs meiln gen Patray In der stat sant jacob predigt vñnd zaichen getan hat. vñnd also todt von dem jüdischen landt über mörin ainem stainen sarch kommen ist. Das selb schiff sicht



man auff den heütigen tag in dem wasser. vnnnd  
man zaigt es den bilgrein. Darnach auß forcht der  
rauber seind sy komen mit bilgrein von Hybernia  
gen fines terre zu vnser frawen capell haist im  
berg syna. da seind herberg für die bilgrein. Dar-  
nach seind sy komen durch vil abweg vnd grau-  
sam stet in grosser forcht zu ainem grossen wasser  
vnd ainer stat wol gebaut vñ bewart nach hayd-  
nischem sytten haysset Tunij. da haben sy gelaydt  
genummen von dem haubtman Vnd ainer von  
den poten der ließ sich füeren über das wasser mit  
zwoien knechten vnd rossen Vnd sobald er auff  
das land kam da ward er gefangen Er sagt den  
visach warumb er in das reich portugal wer kö-  
men Also gab er antwurt er het auff der andern  
seyten des wassers ain gesellen mit etlich dienern  
vnd rossen. Das sy sicher hayt vnd gelaydt geben  
dem selben das sy bayd möchten könen Das selb  
ist beschehen vnd sy haben die poten vñ oratores  
in namen als wärn sy bilgrein in die erst statt des  
künigreichs portugale eingefürt die haist Valenz  
vnd ist vorzeiten gewesen ain haydnische stat vñ  
ist vast wol bewart mit grossen vnd hohen türn  
gepaut. Dises reich portugal ist in grosser hüt dar-  
umb das es ligt im end der welt vnd das vil mer  
Innsel das möchten anfallen. vnd sy seind komen  
durch döiffer vnd stet des selben reichs zu ainem

herzogen von Porcellis Darnach in ain stat port  
darinn ist ain Erzbischoff vnd ain starcke grosse  
stat Darnach geschiffet über ain wasser vnd seind  
vontag zū tag kōmen in die stat Coymbria da ist  
ain bischofliche kirch da selbs. vñ da vmb wechset  
im jar zway mal das traid in ain acker. vnd der  
pest wein vnd zucker in dem reich. Vnd an sant  
Jacobs tag seind die potten kōmen in ain closter  
sant augustins ordens zū sant maria von Batallo  
In dem selben kloster ist die begrebnus des durch  
leichtigisten vñ gefiglichisten herren herin Eduar  
di künigs. vñ fraw Leonore künigin zū Portugal  
vñ Algarbi vñ aller künig zū portugal. Darnach  
seind sy kōmen in ain grof kloster sant Benedikten  
orden genant Alcabassa. daselbs ist vorzeyten der  
künig von Granat erlegt erstritten vñ erschlagen  
worden von dem künig von Portugal Vñ da ha  
ben die boten in klaiden lassen machē vñ ander not  
turfftigkait zū den eeren gebürlich. In der selben  
statt seind zū yn kōmen die gesendten von dem kün  
ig Portugal vnd haben die potten geführt in ain  
castall auf drey meyn von Olixbona. Da seind die  
botten beliben so lang bis der künig von Portugal  
geschafft hat sy zukomen. Olixbona ist ain grosse  
stat vil grösser dan wien in östereich. vnd hat in  
ir ain hohen perg mit ainem vesten Schloß. als  
grätz in der steyrmarch. vnd da ist ain erzbistum



vnd ain hohe schül allermayst in kayserlichen rech-  
ten vnd vil klöster. die selb stat hat Vlixes gepaut  
Zü eerren seiner haupfrawen die hieß bona vnd ist  
ain züsamen gesatzter nam auß bona vnd vlixes  
vnnnd spricht man vlixbona. Dise stat hat gar ain  
güte vnd grosse port vnd zülendung des möres.  
Aber an dem andern tag seind kōmen geritten bi-  
schoff. prelaten. Grafen freyherren ritter vnd edel.  
die cristen waren. Darnach die hayden mit gros-  
sem volck vnd gesellschaft in irer ordnung Vnd  
darnach der rat vnd purger der selben stat. vñ ha-  
ben die selben poten vnd oratores erlichen empfan-  
gen vnd gen vlixbonam in das schloß auff den ho-  
hen perg zü dem angesicht vnd gegenwurtikayt  
des durchleütigsten herren des künigs zü Portu-  
gal gefürt vñ geantwurt Vnd der künig zü Por-  
tugal ist gefessen in seinem küniglichen sal vnder  
der kron vnd vmb yn seind gestanden die wolge-  
pornen vñ edeln ritterschafft kostlich geziert Vnd  
er hat die oratores mit grossen freuden gsehen vñ  
empfangen Vnd hat von den botten gehört den  
grüß vnd alles güt in namen des allerdurchleüch-  
tigsten herren herñ Fridreichs römischen künigs  
Da ist er auff gestanden von seinem küniglichen  
stül. hatt ain yeden botten bey der hand genōmen  
vnd auß grossen mitleyden mit yn red gehalten  
von der grossen arbayt vnd müe in solher hayssen

zeit vnd sorgueltigkeit der strassen. vnd sy getröst  
vñ zū der herberg yn zū gericht in der stat auffroß  
sen oder pferden mit küniglicher zier vnd samat  
belegt hochzierlich geschafft zū führen. Also haben  
sy gerüet in der herberg Da hat der künig vō Por  
tugal gesamelt sein oberst vnd rätte Vnd an dem  
Ersten tag des august. berufft er die selben poten  
durch zwen doctores kayserlicher recht vnd zwen  
ritter zū ym Vnd hat sy personlich zum ersten ge  
führt zū der durchleichtigisten frawen künigin zū  
Portugal seiner haupfrawen. die dann in irem pal  
latz mit iren edlen juncfrawen auff das allerschö  
nest geziert In irem küniglichen stül saß nach ge  
wonha.t Vnd hat die selben potten vnd oratores  
mit aller reuerentz empfangen vnd gehört. vñ mit  
yn vil red gehalten. Darnach hat der künig von  
Portugal sy gefürt in ain andern pallast vast zier  
lich berayt In dem seind gessen die drey schwe  
stern die alledurchleichtigist fraw vñ juncfraw  
Leonora vñ die durchleichtigen frawen vñ juncfr  
awen Katerina vñ Johāna des durchleichtig  
en herren hern̄ Eduardus künigs. vñ frawen Leo  
nore Künigin zū portugal hochloblicher gedächt  
nuß eliche töchter Die selben haben die poten gese  
hen vnd gehört. Zum dritten am selben tag Im  
selben küniglichen pallast Hat man gehabt ain  
schönen tanz mitt den selben durchleichtigisten



juncckfrawen vnd andern darzü vorordent Vnd  
 seind dazwischen vil red mit den botten hyn vnd  
 her beschehen. Darnach zů der vesperzeit hatt  
 verhöit der durchleüchtigist künig zů Portugal  
 herz Alsinus vnd sein brüder der jung fürst Fer-  
 nandus vnnnd herz Haynrich jres vatter brüder  
 vnd der marckgraff von valenz. geborn von kün-  
 niglichem blüt vnd stam Mit erzbischoffen. bi-  
 schoffen Graffen freyherzen vñ vil der wolgebor-  
 nen die darzü berüfft worden gehört die potsch-  
 afft des allerdurchlechtigisten herren ic des Rö-  
 mischen künigs durch die vorgeanten oratores  
 vnd botten Vnd was das die potschafft. das sy  
 solten machen vñ beschliessen den Heyrat vnd die  
 Wedurch die wort vnd versprechung gegenwüt-  
 tig vnd yetz mit der durchleichtigisten Juncckfra-  
 wen frau Leonora ic. Nach laut der Capitel vnd  
 beschluß zů Napells beschehen Vñ haben darauff  
 das mandat geschäfft vñ volkomen gewalt vol-  
 bracht mit kayserlicher Maiestat beuestiget vnd  
 bestet

**I**n dem andern tag Ist der heyradt vnd  
 Wein beywesen des durchleichtigisten  
 künigs vnd künigin zů Portugal. Jres  
 swestern. fürsten. Graffen. freyherren ic. vnd fra-  
 wen Edel vñ andern Durch gegenwürtige wort  
 mit ainer schönen vored die also hatt angehebt.

W syon du solt dein schlaff pett zieren vnd deinen  
herren künig empfangen ic. vñ nach sitten mit des  
munds kuss vnd ansteckung des mähel rings mit  
der selben durchlechtigsten Juncckfrawen vñ für  
stin fraw Leonora ic. Vñ des allerdurchlechtigst  
en herren herñ Freigreichs römischñ künigs durch  
die bestymbten oratores vnd botten in der harr  
oder arra vermähelt vñ mit der eelichait beschlos  
sen Vnd do das hochzeitlich vnd loblich werck ist  
beschehen Do haben erdönet in dem pallast die  
trometen vnd iubel vnd frolokung aller menschñ  
Vnd von stund ist die selb durchleichtigste vnd  
geziertest juncckfraw Leonora von yederman Rö  
mische künigin berufft gehayssen vñ genant wor  
den Vnd mit grosser solennitet in ain andern gros  
sen pallast besunderlich darzü berayt vnd geziert  
geführt. Vnd hat da zü eeren des allerdurchleich  
tigisten herren des römischen künigs Tres aller  
liebsten gemahels. mitt der künigin zü Portugal  
fast höflich ain tanz getan Vnd nach dem tanz  
hat man sy über als jr geschlecht in die höchst öb  
rest vnd würdigest stat gestelt. Vnd in der selben  
stat Olibona in allen klöstern vnd kirchñ auß ge  
pot des künigs vnd erzbischoffs. ward got dem  
herren groß lob vnd danck gesagt vnd vil gotz  
dienst procession vñ opfer seind beschehen zü ewi  
ger gedächtnus. das die selb Juncckfraw vnd ver



mäheltfraw Leonora ic. Im iar des herren Tau-  
sent vierhundert dreyßig vnd fiben. an dem ach-  
ten tag des Septembers oder Herbstmonets in  
der selben stat geporn was die yerg von allen men-  
schen genent vnd berüfft ward yeder in seiner spr  
ach oder zungen. Leb vnd regir die kayserin fraw  
Leonora ic. Vnd die botten seind in der selben stat  
beliben vnd verhardt dann sy seind blöd vnd mitt  
dem sieber beschwert gewesen vmb des möres luf  
tes willen des sy nitt gewont hetten. Aber sy ha-  
ben ire potschafft mit iren brieffen geschickt zü dem  
allerdurchlechtigsten kayser ic. Vnd die ve ma-  
helt fraw kayserin hüb an deütsch zülernen vñ be-  
griff wenig. dann sy ward täglich mit andern ge-  
schefften verhindert. vnd setzet ir für wie sie wolt  
im schiff so ir got gelück gäb gütten fleiß tün teüsch  
zülernen Vnd sie hat vil kirchfert in portugal vñ  
Algarbi auß gericht. vnd mit ir gefüert die potten  
vnd oratores Aber die potten haben mit fleiß solli-  
citiert vnd angehalten das sie vor dem winter  
gen Rom oder an die porten vnd zülendung tha-  
lamonis in der Senefer oberkait vnd herischafft  
möchten kommen Vnd der künig von Portugal  
hat gütten fleiß gethan alle ding zü zerichten die zü  
der fart notturfßig warn.

**A**n sant Colmans tag. der da ist der dreyzehent  
tag des monets octobris oder weinmonts ward

seaw Leonora von allen menschē kayserin genant  
Durch den künig von Portugal vnd iren jungen  
brüder fernando vñ ires vater brüder Hainrich  
en mit jr zwayen schwestern vast zierlich gefürt  
von dem pallast der in der stat was. in das künig  
lich schloß in der stat maur auff dem hohen berg  
gelegn. vñ haben da das abendessen gehapt. auff  
ainer seyten des gemachs ist gessen die kayserin  
Vñ an der andern seyten dargegen die potschafft  
oder oratores. vnd da das abendessen volbracht  
was hat man gehalten Tantz vñ mangelay kost  
lich vnd zierlich spil Vnd züm ersten sein kommen  
für die allerdurchleüchtigst kayserin die künig der  
wapen perseuandt vnd heroldt. vñ haben pracht  
von allen künigreichen der Cristenhait geschrib  
en sendbrieff vñ haben jr die selben mit grosser zier  
geantwurt. Darnach seind kommen die swartzen  
leüt die moren mit ainem wunderlichen gemacht  
als ain grosser tract vnd haben da mit iren gebär  
den vñ sitten der kayserin Ker vnd reuerenz thon  
Darnach kam herr fernandus jr junger brüder  
mit seiner geselschaft. in ainer farb vast kostlich vñ  
wol geklaidt vnd het ain büeff vnd verkündt sein  
vnd seiner ritterschafft zukunfft auff die hochzeyt.  
Darnach seind komen die wilden menschen die jr  
wohnung haben in ainem eck vñ winckel der welt  
in weyten vnd verre jnseln des möres vnd seind



doch vnder dem künig von Portugalyezund. vñ  
sprachen Von vnsern obern seyn wir zu disem  
hochzeitlichen fest der vermehlung gesendt. vnd  
haben gehabt ain sonderlichen wündlichen tanz  
nach irem sitten. dan es seind in der selben insel die  
da hayst Carmaria gewesen menschenfraw vñ  
mañ nackend vñ bloß Vnd die selb insel hat vnge  
uerlich der künig von portugal Eduardus der kay  
serin vatter gefunden vñ im vndertänig gemacht  
da von vil zu schreiben wäre. ¶ Darnach ist kō  
men der durchleuchtigst herr Alfonsus künig zu  
portugal der kaiserin brüder mit seiner ritterschafft  
besonderlich zu dem außewelt vnd berüfft mit  
kostlichen gulden vnd samaten klaidern mitt dem  
allerzierlichsten geklaidt vñ angelegt. vnd gab der  
kayserin ain sendbrieff vñ sprach Er war auß den  
verristen enden der erden vnd hett sein mit ritter  
schafft vñ die allersterckisten streiter berüefft vnd  
wår mitt in kommen vnd begert ritterlich werck  
zu treiben vnd zu üben. ¶ Darnach sein kommen  
ettlich wolgeporen in Teütschem gewand mitt  
krausen vñ langen haren vber die achsel mitt irem  
brieff vñnd haben vor der kayserin gesagt sy seyen  
von hochteütschlannd kommen zu der hochzeyt  
vnd wöllen allen anndern Nacion vñnd zungen  
widetail halten mit ritterlicher tadt.

**A**dem vierzehenden tag des monets  
octobris oder weinmonets. Da ward  
fraw Leonora die vermähelt kayserin  
mit grosser würd. zier vñnd hohem gepreng von  
dem küniglichen schloß herab in die stat Olybo-  
na in ain pallas in mitten der stat gefüret vñd vil  
schöner spil hyn vñd her wurden da gehalten. vor  
der porten des schloß seind vast zierlich vñd kostlich  
gessen die siben kurfürsten des hailigen römischen  
reichs. vñd haben ir epistel vñd briefß gehabt wie  
sy ainträchtiglich erwelt haben den durchliechti-  
gisten herren herrn Fridrich römischen künig zu  
ainem allerwürdigisten kayser. Darnach ist aber  
gessen in ainer stat der herr von köln mit den kur-  
fürsten vñd hat den selben genant vñd außgerüefft  
das er sey ain römischer kayser Da entgegen in der  
ersten vñd obersten stat ist gessen vnser hayligi-  
ster vatter der bapst mit den würdigisten herren  
den Cardinaln vñd haben herrn friderichen Rö-  
mischen künig vñd sein gemahel Junckfraw leono-  
ram mitt kayserlichen Inseln vñd kron gekrönet.  
vñd das alles mit schönen sprichen vñd worten.  
Darnach an der vierden stat vor der haubt vñd  
erzbischoflichen kirchen In der. der leyb des hayli-  
gen Vincenci rastet Ist gessen der hochwürdig  
Herr der bischoff mit seinen forherren mit ander  
priesterschafft vñd gaisstlichait vñd berüffet die ver



mäheltfraw Leonoram kayserin die zuroß mit ir-  
en brüdern vñ swestern, dar was kōmen mit den  
botten Vnd der selb bischoff gab ir den seggen vnd  
sprach Dein nam sol wachsen, grünen, blüen, vnd  
gemert werden, vnd dein samen als der sandt des  
meres Vnd der seggen des allmechtigen gotes sey  
auff dir vnd dem Samen soll sein langlebens vñ  
gesegnet vnd dir sollen dienen vñ vndertänig wer-  
den alle cristenliche völder In dem ist kōmen ain  
Jüngling der was gezieret als ain engel von ain-  
em hohen turn der selben kirchen mit wunderlich-  
er kunst der menschen, vnd hat bracht der vermä-  
helten kayserin ain gulden kron vnd hat gesungen  
in dem lufft Empfach vnd nym die kron hie auff  
der erden das du gekrōnet werdest in dem hymel  
über alle element Vnd da ist auch zūgericht gewe-  
sen ain statt oder garten als das Paradeysß aus  
dem ain jüngling als ain engel in der höch durch  
ain fenster aines turns kam vnd bracht in ainem  
vergulten becken, rosen, vnd warff die auff das  
haubt der kayserin vñ sang also Nym die blümen  
vnd rosen, das du vnd dein samen blüen werden  
auff dem erdtrich vnd mit den blümen der tugent  
nach langer zeit auff dem erdtrich werdest verdie-  
nen die plüe vnd rosen der ewigen sälligkayt zū em-  
pfahen in dem himel, In der fünfften stat bey der  
haubtkirchen gegen dem nydergang der sunnen

da was ain stat zügericht vnd ain grof versam-  
lung Als über zwainzigtausent menschen mann  
vnd frauwen. vnd da thet ain edler doctor ain hüß  
sche predig oder red auff ain halbe stund. zü eer vñ  
lob der verheyraten kayserin. vnd da verkündet dem  
volck warumb sy würdig wär aller glori lobes vñ  
eeren ic. Auch daselbs waren so vil person in kün-  
igklichem gewandt geziert vnd harnasch ange-  
legt so vil der selben künigreich Portugal vnd Al-  
garbi von anbegynn bis auff den heütigen künig  
Alfonsus sein gewesen. Da selbs hatt ain vafst  
berümbter doctor Ir hohe vnd streng that streyt  
vnd werck wider die vngelaubigen vmb des cri-  
stenlichen gelaubens vnd gemaines cristenlichen  
nutz gehabt vafst zierlich verkündet. vnd wie oft  
vnd dick wider die hayden vñ vngelaubigen sy ie  
leben dar hetten gelegt gefigt vñ überwindung  
gehabt vñ wie sy der hayligen römischen kirchen  
hilff vnd beystandt getan Vnd die gehorsam der  
hayligen Römischen kirchen nye übertretten. sun-  
der alzeit behalten hetten Vnd den hayligen cri-  
stenlichen gelauben In vil lannden vnd Stetten  
da vor hyn hayden warn gepflantz. vnd die affri-  
caner vnd hayden vnderdruckt. Da hab ich gehö-  
ret die grof bestendigkeit in dem hayligen cristen  
gelauben. in dem reich portugal. Vnd wie die Kii-  
nig von Portugal sich in den todt wider die hay-



den Barbaros vnd Affricanos haben geben. als  
dan die erfahrung das offenbar macht In der gros-  
sen herschafft vnnnd stat Ceptensi in Affrica Vnd  
wie herr Fernandus der Kayserin vatter brüder  
vmb des cristenlichen gelaubens vnd gemaines  
nutz vnd zü erlösen die cristen in der haydenschafft  
In affrica sich in den todt hat geben Vnd do der  
doctor also hat verkündet vnd gesagt von dem  
todt des Herren fernandi der Kayserin vater brü-  
der Da hat alles volck gewainet. vnd ist solches  
hohes vñ grossen rüffen zü got für die seel vnd se-  
likait des selben herren beschehen. das wir alle ha-  
ben gewainet. Dann man mag die selbig hystory  
oder geschicht on zeher vñ wainen nitt hören oder  
sagen Vnd ich gelaub miltiklich das man yn soltt  
hayligen vnd das er sey in der hayligen Zal ic.

An der sechsten stat kamen für die Kayserin drey  
jüngling in engelischem gewand Der erst engel  
hat bracht ain crucifix. vnd hat sich genant den ge-  
lauben der da ist ain götliche tugent. Der ander en-  
gel hatt bracht ain grünen zweyg. der selb engel  
hat sich genent die hoffnung. Der dritt Engel hat  
geführt in seiner hand ain lebendige tauben. vñ hat  
sich genent die liebe. vnd haben die engel mit hüb-  
schen gesagten sprichen mit der Kayserin Leonora  
geredt also. Das sy solt haben zü ir in allen lebsten  
herren ain stete hoffnung die da wäre ain behal-

terin aller tugent. vnd ain ganzen rechten gelaub-  
 ben vñ vertragen als zū der vnberweglichen sauln  
 des cristenlichen gelaubens. vnd ain volkommne  
 lieb mer dan zū vater vnd mäter vnd allen jm ge-  
 schlächt. In der sibenden stat herabwertz zū dem  
 pallast in der stat da ist gewesen ain prunn künst-  
 lich gemacht Darauf ist gesprungen woltschme-  
 ckend rosenwasser. zū labung vnd ergetzung der  
 menschen Daselbs ist gewesen ain tier garten mit  
 wilden thieren ic. In der achten stat seind vor der  
 kayserin gesessen dreytzen propheten in iern klay-  
 dern nach gewonhait der propheten vñ yeder ain  
 büch in seiner handt vnd habent geweyssagt vil  
 gütter ding von dem breittgam vnd der brant.  
 Vnd das sy auß Jrem tugentlichen leben würdig  
 wäre. vnd erwelt zū ainer kayserin. Vnd also ist  
 die fraw kayserin mit dem künig vnd künigin Jren  
 brüder vnd swestern vnd aller ritterschafft von  
 ainer stat zū der andern geritten. vnd alles volcke  
 hat ir nach genolget vnd haben dise ding gesehen  
 vñ gehört. Also das mer dann zwainzig tausent  
 menschen waren mann vñd frawen Vnd dise  
 process hat gewert von morgens bis nachts.



A dem fünffzehenden tag des monets  
 octobris oder weinmonts Hat der dur-  
 chleüchtigst künig von Portugal geordent vñ zū



gericht vil schöner tantz in der gassen vñ weyten  
strassen vor dem palast der kayserin vñ vñ den  
mittag Hat der künig lassen pringen sechs wilder  
ochsen vor allem volck. da seind komen die sarace-  
ni die hayden baider geschlecht man vñ scawen  
mit sclocken vñ tannzen. vñ haben zñren der  
selben ochsen gefangen vñ getödt vñ zñ jrem  
brauch auß getailt.

**E**n dem sechzehenden tag des monets Octo-  
bris weinmonets. Ist komen der künig von Por-  
tugal herab von seinem küniglichen schloss in die  
stat zñ seiner lieben tochter der kayserin mit der oß  
sölcher weiß vñ gezierd. Zumersten ist geritten  
ain vast schöner jüngling mit vast schöner gezier  
auff ainem hohen roß bedeckt mitt ainem guldin  
tuch. dem hatt nachgefolgt ain schöner gezierter  
wagen. darauff warn helm. schilt vñ spießs zñ  
dem stechen vñ rennen. Vñ mitten vnder den  
schiltten oder dartschen hat der Adler sein stat ge-  
habt Darnach seind geriten zwelff ritter mit jrem  
harnasch vñ jrer roß mit grosser zier. vñ yeder rit-  
ter het fünff diener zu roß vast wol geziert die ha-  
ben die spieß vñ ander gezier zñ dem spil vñ stech-  
en füglich gefürt. Darnach sein komen zwelf He-  
rolt zu roß in jren klaidern vñ wapenröcken wol  
geschickt. Darnach die Busaner Trumetter vñ  
pfeiffer mit wunderlicher weiß vñ gezierd. Dar

nach der hochgeert vnd loblich künig von Portu-  
gal in seinem schönesten harnasch vnd mit solcher  
gezierd des gleichnisch nye gesehen hab Dem seyn  
nach genolgt sechs Jüngling in gold vnd silber  
auff das zierlichst geklaydet auff schönen rossen.  
Vnd seind also mit ainer processs geritten durch  
die stat zñ ainem palast von holtz vnd laden sun-  
derlich zñ disen sachen gepawet mitt zwayen ho-  
hen thürnen Vnd die dächer des pallassts waren  
güt graw vnnnd schwarze tücher mit gold vnd  
silber vndermalt. In dem selben hat der künig sein  
wohnung gehabt.



A dem sibentzehenden tag des monets  
octobers oder weinmonets Des mor-  
gens frñ von aufgang der sunnen. seind  
komen die cristen auff ainem tayl. vnd die saraceni  
das seind die hayden auff dem andern tayl. vnd  
die waldleit oder wilden auch auff ainem tayl. vñ  
auff dem dritten tayl die juden. vnd ain yedes tayl  
hat nach seiner zungen gesungen gerüfft vnd ge-  
frolocht Aber zñ der ersten stunde des tags. ist  
komen ain wolgeborner man mit namen Leme-  
rent der groß haubtman des ganzen möres in  
dem reich Portugal selb fünffee zñ roß mit groß-  
sem vnd kostlichem gezierd vnd ist komen für den  
pallast da der künig von portugal mit seiner riter  
schafft inn was. vñ hat durch sein heroldt lassen



rüssen seym herren von portugal vnd aller seiner  
ritterschafft zu yeben ritterliche werck Als baldt  
verkündt ym der künig von portugal. das er wolt  
komen vñ sich wider yn setzen. in der selben stund  
ist komen ain groß gemacht od factur ainer groß  
sen schlangen mit aufgerecktem hals Auff dem ist  
gesehen ain schöner gewapneter ritter. vnd hat  
begert des künigs zu portugal vnd yn eruordert  
zu ringen fechten vnd stechen. in dem ist der künig  
von portugal mit zwelss außerselten rittern mit  
kostlichem vnd großem gezier komen auff rossen  
mit guldem gewandt bedeckt byß auf die erdt vñ  
seind vor ym zogen die heroldt busaner vnd tru-  
metter in die groß straß auf ain seyten Auff der an-  
dern seyten der gassen. ist komen Herz fernandus  
der brüder des künigs von portugall vast kostlich  
vñ zierlich mit den heroldn vnd trummetern auch  
mit zwelss vast wolgezierten rittern vñ hat sich  
gestellt wider den künig vnd die sein vnd die selb  
gaß ist gewesen vast groß vnd praidt vnd in der  
mit durch die leng was ain hülzm wandt gena-  
cht mit pretern die taylt die spilet vnd stecher vnd  
was bedeckt mit grauem gütem tuch Darnach  
ist komen ain grosser elephant vnd was ain ge-  
macht oder factur vnd trüg auf ym ain turn mit  
pasteyen von holtz gemacht Darauf seind gestan-  
den vier drumetter vnd vier klein morn mit lang-

en vnnnd mit grossen mördern vnd haben zu dem  
volck geworffen mit pommeranzen Daselbs ist  
gewesen ain klainer junger mor hat gehayssen pe-  
roplanco den hat der hertzog von Sibilia dem  
ritter her Cristoff vngenadt geschenckt vnd ge-  
ben. dann der selb ritter Cristof vngenadt was  
aus dem hertzogtumb kernten von wegen der rit-  
terschafft die er dann geyebt hat in dem reich Gra-  
nat bis er in das reich Portugal komen. vnd ist ay-  
ner gewesen von den. die gestochen haben gegen  
dem künig von portugal vnd ist bey den hochzeit-  
lichen festen gewesen. dann er mocht von vnsich-  
erhait der weg nit komen gen galiciam. Vnd den  
selbigñ elephant haben achzehen männer gezogen  
dem seind nachgevolget acht gewapnet ritter zu  
ross die haben gehabt manigerlay farb vnd figur  
Das erst ross hat gehabt die figur vnd farb aines  
hirschen bedeckt mit samat Das ander ross hat ge-  
habt die figur ains ainhörn bedeckt mit sammat  
bis auff die erd Das drit ross die figur ains ochsen  
bedeckt mit samat. Das vierdt ross die figur ains  
leonen bedeckt mit samat. Das funfft ross die figur  
ains stainbocks bedeckt mit sammat Das sechsst  
ross die figur ains Bern bedeckt mit samat. des ge-  
leichen die andern mit vil figuren. vñ die ritter die  
darauff sassen seind vast pollirt vnd zierlichen in  
irer ordnung herfür gezogen Da schaw vnd er-



kenn die magnificenz vñ kostlichkeit die dem breit-  
gam vnd der praut vnd dem reich zu eeren gehal-  
ren seind worden. vnd der künig von portugal ist  
gar gezirlich gewapnet komen auff sein roß mit  
seinem spieß vnd hat auff seinem helm geführt ain  
guldin basiliscum. Aber der brüder des künigs  
fernandus hat geführt auf seinem helm ain gul-  
dens angesicht ains leoen

**A**dem achtzehen tag des monets octo-  
bris oder weinmonets. hat man für vñ  
für die freyd vnd frölichkeit gehalten. do  
ist komen für den pallast der kayserin. ain grausam  
thier als ain drackh. das haben getragen vierzig  
man auff dem ist gefressen ain ritter zierlich gewap-  
net vñ hat auf seym haupt gehabt ain kayserliche  
kron vnd täglich seind kumen für die herberg der  
kayserin potschafft die trumeter vnd pusaner mit  
mangerlay spil Vnd die da gestochen haben seind  
gewesen auß bayden taylen zwenundreissig vnd  
wöllicher das pest gethon dem hat die künigin  
von portugall die zu der zeyt schwanger was An  
dem ersten tag geschenckt vnd geben ain silberin  
vergulten kopff An dem andern tag der das pest  
gethon hat ain vergults giesuaß An dem dritten  
tag ain guldin ring mit ainem kostlichñ stain. des  
gleichen an dem vierden tag. vnd die poten habñ  
nit aufgehört in jren geschäften dem künig anzü-

halten Vnnd aber haben sy gesendt ain potten zu dem kayser.

**A**n dem neünzehenden tag des monets octobris oder weinmonets hatt man aber gestochen vnd freyd gehalten als oben vnd zu nacht auß geschafft des künigs von Portugal seind die tücher die man hat auß gepraidt vnd angehenckt an die wende von dem gemainen volck genomen vnnnd was ain yeder darvon hat mögen pringen hat er genommen.

**I**n dem zwainzigsten tag des monets october oder weinmonets. vor auffgang der sunnen seind kumen in die gassen vil volcks bayder geschlecht man frawen vnd maniger lay zungen vnd nation mit frolockung vnd aller lay tanz. Darnach seind kumen die Jäger mit grossen hunden vnd haben gefürt ain Leoen ain Beren vñ ain wildschwein vnd haben ain wunderlichs jagen volbracht Aber nach mittag vmb zway seind kumen ettlich männer gewapnet vnd haben gefochten vnnnd gestritten Vnd darnach zway alte klaine zwerglin die haben gerungen.

**A**n dem ain vnd zwainzigsten tag des monet octobris oder weinmonets hat man aber für vnd für gestochen vnd vast güte tücher mit maniger lay farben seind zü baiden taylen der wand auß gebayt vnd angehest Da seind kumen zwelff gra-



sen vñ herren auf grossen pferden bedeckt mit gul  
din tũchern bis auff die erdt in jrem aller schønsten  
harnasch. vnd ain yeder hat gehabt ain knecht zũ  
ross der mit dē spieß ist vor im geriten. vñ ain yeg  
licher knecht ist so zierlich geklaydt gewesen Als  
man die schön engel maldt. vnd do die drey oder  
vier stund also gestochen haben vnd abzogen Do  
ist ainer komen mit grosser gezier vnd grosser ge  
selschafft mit grossen vnd wunderlichen pferden  
vnd hat sich genendt ain künig von Troya vnd  
hat mit ym gehabt drey sün Der erst hieß Hector  
Der ander Priamus Der drit Alys. in künigklich  
em gewand vnd scheinender gezier vñ haben sich  
gegen dem künigklichen pallas da die kayserin leo  
nora vnd der künig von portugal mit seiner haup  
fraw vnd die zwo schwestern vnd auch die bot  
schaft vnd die grossen edelherren zũ ainer merent  
gesamelt warn. vnd der selbig künig von Troya  
ließ durch sein herolt ruffen Wie er vernumen het  
in den weiten landen über mör in sein reich Troia  
Wieder künig von Portugal vñ algarbi. da dā  
sein nachpawr wäre in Affrica sein eltere tocher  
fraw Leonoram dem aller hochgelobtisten her vñ  
herz fridrichen Römischen kayser vermahelt hett  
vnd zũ lob vnd eer der kayserlichen kron vnd sey  
nem reich. so wär er kumen vnd wolt da streitper  
lich vnd ritterlich werck yeben in seym reich. vnd

also wär der künig von troya künen mit seinen sū  
nen vnd fürsten. die da mit ritterlichen wercken ge  
yeht wāren zū dem hochzeitlichen fest vnd wolte  
sich stellen wider alle die. wes gebürdt oder zun  
gen die wāren. Do das der künig von portugall  
mit seiner gesellschaft hat gehört. da ist er herfür  
kommen mit den sein die darzū gesagt waren mit  
truntem rüffen vnd frolocken in die gassen. da  
selbs vor der kayserin vnd der künigin von portu  
gal vnd iren swestern seind geschehen also schein  
perlich vnd zirlich stechen des geleich nye gesehen  
dann da seind gewesen grof vnd edel herren von  
Engellant Schotten land Hibernia vnd sibilia.  
vñ ain yeder hat auf das scheinperlichst vnd zier  
lichst gesehen wollen werdñ Vnd zū nydergang  
der sunnen haben die kayserin vñ die künigin von  
portugal durch ain geporne grāsin ain schöne jun  
ckfrawen (dem der das pest gethon het) ain gul  
din ring mit ain edlen staim geben. vnd nach dem  
auf küniglichem geschafft seind die gūten tücher  
die man hat aufgespant an die wendt. von dem  
gemainen volck genūmen worden. vnd was ain  
yeder hat mögñ nemen ist sein gewesen.

**E**n dem zwayundzwanzigsten tag des mo  
nets octobris oder weinmonets Ist kommen ain  
herz vast scheinperlichen mit seiner gesellschaft zū  
roß vñ hat durch den herolt lassen rüffen Er sey



der künig von Europa vnd sein volck ist ym für-  
 zogen. vnd hat durch sein herolden für yn gerufft  
 allen künigen vnd fürsten vnd hat gesprochen. **W**  
 ir die wesen vnd wonend in dem krayß der welt  
 Nympt war die pösen die da wachsen vnd über  
 vns komen. vnnnd hat auff gethon ain groß büch  
 vnd hat gerufft also. **W**ir kinder der menschen ve  
 tayllent rechtlich vnd was da recht ist das solt ir  
 üben. vnnnd hat vil von der gerechtigkeit gerufft.  
 vnnnd zu der mittagzeit seind kommen zu roß ge-  
 harnascht nach sytten der hayden vnd Sarace-  
 ner mit schiltten vñ langen. vnd haben da mit ain-  
 ander gestritten. vnd gefochten. vnd gehabt die  
 aller schnellsten roß springende wie die rechböck  
 vnd seind genendt genneten vñ gelten groß gelt.

**A**dem dreyundzwainzigsten tag des  
 monats Octobus oder weinmonets ist  
 ain groß volck kumen für den pallast  
 der kayserin mit trumeten pusanen paucken pfeif-  
 fen vñ allerlay sayrenspil. vnd gemacht vier hauf-  
 fen Zum ersten die cristen. mañ vñ frawen. haben  
 getantz nach irem sitten. Zum andern die hayden  
 mañ vnd frawen nach irem sitten. Zum dritten  
 die juden mer dan tausent man vnd frawen nach  
 irem sitten. Zum vierden die morn vnd die wilden  
 menschen auß der insel Cannaria in der mañ vnd  
 frawen gewondt haben nackendt vnd plos. vnd

sy mainten sy wern allain gewesen in der welt vñ  
es ist ain lange hystori wie sy vngewarlich funden  
seind vnd nun ist der cristenlich glauben in der sel  
ben ynsel angehebt vund gepflantz ic. Aber vmb  
zway nach mittag seind kumen sechs ritter vast  
scheinperlichen vnd wol gewapnet von dem rat  
der selbigē stat vltibona den hat nachguolgt der  
rat vñ die wol gebornen der selbigen stat vñ seind  
all mit einer farb nämlich rotscharlach auff das  
allerschönst beklaidt gewesen Die selben ritter ha  
bent durch den herolt lassen rüffen. Ob da wärn  
einwooner od fremd wes stands oder eigenschaft  
sy wärn. die da stechen od ritterliche werck üben  
woltē das sy zū diser stund in die gassen zū gericht  
kōmen. als bald warn da etlich ritter auß der küni  
gin hof. villandleit vñ gest. auff das aller schönst  
geziert vnd haben sich manlich widersetzt. Vnd  
der da das pest thet dem gab man zwen edelstain  
in gold versetzt

**A**dem vier vndzwainzigsten tag des  
monets octobris oder weinmonets hat  
der künig von Portugall ain groß mal  
vnd gastung zū gericht in den selbigen gepauten  
pallast das da mit kostlichen gewirckten tuchern  
vnd figuren auf das aller schönst vmb gehenckt  
vnd geziert was. An dem ersten tisch oder tafeln  
die da belegt was mit kostlichē klainaten Silber



vnd guldin köpfen vnd credentzen nach küniglich  
ein sitten seind dise person gefessen vnder guldin  
tüchern. An der ersten stat fraw Leonora die kay-  
serin An der ander n stat der künig von portugall  
der kayserin elter brüder. An der dritten stat der an-  
dern seytenn junckfraw Katherina der kayserin  
swester An der vierden stat der fürst Fernandus  
der kayserin junger brüder An der fünfften statt  
fraw johāna der kayserin jüngste swester. An der  
sechsten statt die potschafft des kaysers. vnd die  
person haben all wasser gedruncken zū dem tisch.  
auß genomen herz fernandus der brüder des kün-  
nigs. vnnnd des kaysers botschafft die haben wein  
getrunckē wol gemischt. An der andern tassel sein  
am ersten gefessen der marggraff von valentz gra-  
fen freyen herren titter die größern nach ir ordnūg  
Auff der andern seytē da ent gegen s. ind gefessen  
die grāsin vnd freyfrawen vnd die wolgepornen  
junckfrawen all in schöner gezierd vñ da hat man  
beschayd essen auß geschickt den gēsten vnnnd den  
freinden Wer wirdt ymer des gleichen sehen. vñ  
nach dem essen seind sy auß gestanden vnd in allem  
volck ist große freud erstanden mit tanzen vñ fro-  
locken. Es seind kumen die synger vnd haben das  
lieplichest gesancē gesungen auff zwō stund War-  
nach ist groß volck kumen Der cristen hayden ju-  
den moren der wilden leüt vnd haben gefrolockt

vnd gesungen die ganzen nacht vnd vil vñ groſe  
liechter vñ ſackel hat man enzündt durch die gan-  
zen ſtat. vor den heüſern vnd auff den tächern

**E**n dem fünfundzwainzigſten tag des monet  
Octobris oder weinmonets Iſt geführt worden  
die kayſerin Leonora mit groſſer ſolemnitet vñnd  
wird in die Erzbischoſliche hauptkirchen der ſel-  
bigen ſtat. in der ſelbigen kirchen raſt der leyb des  
hailigen ſant Vincenz. vnd do die kayſerin geborn  
was iſt ſie in der ſelbigen kirchen getauft worden  
Vnd daſelbs hat man gar hochzeitlich. das göt-  
lich ambt von den hayligen drey künigen auff dem  
hohen altar gehalten. vnd die kayſerin. künig für-  
ſten vnd herren ſeind in ir ordnung zu dem opffer  
gangen vnd der hochwürdigſt herr von Affrica  
hat die meſſe gesungen vnd hat yn allen ſeinen ſegñ  
geben vnd yn den ſcid gewünſt. vñ do das beſche-  
hen iſt hat ſich geſammelt ain groſſ volck vor der  
kirchen vnd gewart der kayſerin. vnd do ſy für die  
thür herauß iſt komen. da hat ſy ſich wider gekert  
zu der kirchen vñ iſt nider geknyet auff das ertrich  
vñ hat in dem namen des herren vñlaub genumen  
von ſant vincenz vñ von ir pfarkirchñ auch von  
der künigin. die ir democht nachgangen iſt ain  
güten weg auß der ſtat. da iſt ſy beliben dan ſy iſt  
ſchwanger geweſen vnd nahend bey der geburdt  
Vnd alſo iſt die kayſerin mit der proceſſ ſrer brü-



der schwwestern mit gebornen freunden fürsten vñ  
allen volck auß der stat zů der porten des mōrs ge  
laydt vnd gefürt worden. vnd in der portten des  
mōrs ist beraydt gewesen ain grof scheff genendt  
karrata Aber zů venedig haift man es ain gocken  
Daselbs ist die kayserin mit iren mit gebornen vnd  
der kayserlichen potschafft vñ den andern die dar  
zů gesetzt wurden in das scheff gangen vnd hatt  
das nachtmal darinn geessen. O wie gar grofs  
wainen vñnd hochs vñsägliches klagen hatt ge  
habt das volck das da was an dem gestad des  
mōrs. dan die vermähelt kaiserin was lieb gehabt  
von allem volck vnd jr angepome gütigkait vnd  
tugent vnd ist also beliben in dem scheff in der por  
ten des mōres ettlich tag vñ nacht vmb der zürich  
tung vñ ordnung willen der andern scheff vñ not  
türfftigkait der wapner vñ streyter. Vnd der kün  
ig von Portugal ist täglich komen zů seiner liebñ  
swester sy zu trösten. vñ darnach do alle ding die  
nottürfftig warn für sy vñ jr gesellschaft ver ord  
net worden. als Büchsen. puluer. werffzüg. arm  
brost. pfeil. zů der beschirmung. hauptleüt vñ wap  
ner die da wolgeübt vñ erfarn warn in streytlich  
en wercken des mōrs. Auch patron vnd regierer  
des scheff. sternseher vnd maister die das gestirn  
des mōrs vnd der andern stern. auch der weg in  
dem mōr wol vnderricht warn. Auch speif vnd

anders. Vnd do dise ding also gesamelt seind ge-  
wesen in den scheffen. Do ist komen der künig von  
Portugal mitt seinem küniglichen Rat zū seiner  
swester. vnd hat da berufft die Hauptleüt Ritter  
wappner. amptleüt vñ die grössern von den schef-  
fen. vñ haben die von neüwem den ayd gesworn  
das sy wolten treülichen thün. vnd ob es sich be-  
geb. so wolten sy dem Marggrafen von Valenz  
irem hauptman in dem mör vñ auff dem erdtrich  
in der hinfart vñ widerfart biß in den tod gewar-  
tig vñ gehorsam sein vnd solichs hat in der künig  
gepotten vnd ermandt bey der pen des tods. Do  
das also ist geschehen hat der künig von portugal  
vil vnderred gehalten mit des kayfers potschafft  
von wegen seiner swester mit solicher macht sy  
zū antwurten vñnd er beualch in auch das sy alle  
dinge zū dem besten auffnehmen vnd halset sy vnd  
nam also vrlaub von der potschafft. O portugal  
O portugal wie gar ain güttes künigreich bist du.  
da ist überflüssigkayt des brots weins vnd öls.  
güt vnd vil fruchtperbaum Cytron granatöpfel  
feygen. pommerantzen Lemony viech flaisch visch  
honig vnd zucker wechset in vil stetten in dem ro-  
rich O sintria wie gar ain lustigen vnd küniglich  
en garten darinn ain pach mit güten vorhen. vnd  
daselbs andächtig brüder sancti Jeronimi. die da  
leben vnder seiner regel vnd die künigreich portu-



galia vñ Algarbi werden geregirt durch die auß-  
taylung der gerechtigkeit die selbs macht vnd be-  
helt vnderthanigkeit. dem volck frid vñ in dem  
reich ist ain güte minz.

**A** In dem vierden tag des Nouenbris  
oder wintermonets. do ist die kayserin  
mit ir hofinaistrin die da was ain wit-  
we vnd wolgeborne gräfin vnd mit etlichen wol-  
gebornen iunckfrawen vnd der kayserlichen poten  
auch ander person beyder geschlecht in ain grosse  
barca. das ist in ain schif gangen vñ hat geschifft  
zü ainem ainsydell der selb hatt gehabt ain Capell  
in der eern der iunckfrawen vnd mäter gotes ge-  
paut vnd geweicht vnd ist die letst capell in dem  
end des erdtrichs gleich als in gallicia. in der selbi-  
gen capellen hat sy andächtig mess gehört mit den  
andern person. vnd hat da gebeicht vnd das hay-  
lig sacrament den zarten sronleichnam enpfangē  
vnd do sy ir andacht außgericht hat do hat sy sich  
vnd ir geferten disem ainsydell andächtlichen be-  
uolhen mit ainem opffer vnd an der selben stat hat  
sy ain wenig gefrüstückt von zucker klain vischlin  
vnd brot vñ ist zü dem abent wider komen in das  
großscheff vnd hat das nachtmal da geessen.

**I**n dem funften tag des monets Nouenbris  
oder wintermonets Ist in ainem klainen scheflin  
komen ain priester vnd hat bracht das sacrament

in ainem buchßlin hangen an seinem hals. vnd hat  
allen den die in dem grossen scheff seind gewesen  
auf andacht den zarten fronleichnam gezaigt vñ  
hat ain truckne mēß gelesen vnd hatt yn den segn  
geben. Die zal der scheff was. zum ersten ain grof  
karrata das ist ain grof scheff das het zwō streit-  
wor oder pasteyen für die wäpnar zū streiten vnd  
zū sechten in dem mōr. in dem scheff ist gewesen die  
kayserin mit irem volcke Drey gräffin Aline was  
von dem küniglichen blüt der kayserin fründin ge  
nandt frau Maria vast schön. aber jung. vñ vier  
vnd zwainzig außewelter iunckfrawen. vñ drey  
witwen mit etlichñ andern dienerin vñ ain iunck  
fraw was schier als ain man vast starck arbayt-  
sam vnd vleissig. genant Maria pasana vnd die  
kayserlich potschafft vnd auch der ritter Cristoff  
vngenant den der künig von portugal der kayser-  
lichen potschafft zū geben het. vnd der marggraff  
von valentz der obrist hauptman. vnd zwē doc-  
tores Ainer in der hailigen geschrifft mayster La-  
renz genant. Der ander in der ergn. y. vnd acht  
ritter mit den andern edeln vñ hofgesind Also daz  
in dem selbigen scheff seind gewesen fünff hundert  
menschen mit andern vil notürfftigen zū hörung  
vnd die menschen seind getailt worden in drey tail  
Das ain tayl menschen das da was geordent zū  
regiern vnd laydten das scheff. Dienamen ir speiß

zū morgen zū anfang der sunnen. Das ander tayl  
der menschen das da was gesezt zū beschirmen  
vñ streyten Als der marggraff mit den rittern vñ  
wapnern namen ir speiß vor mitag. Das drittail  
der menschen als die kaiserin mit irem volck vñd  
die kaiserlich pottschat namen ir speiß zū mittag  
vñd also war es verordnet in allen scheffen vñd  
des nachts hatt man geben electuaria vñd klayne  
gesaltzen vischlin. mitt zwir gebachtem brot. Es  
wer dann das ainer etwas selbs het gehabt. das  
hat er mögen nyessen nach seinem gefallen on feür  
Vñd ain ander karraca das ist ain groß schiff. in  
dem was der hochwürdigst herr der bischoff zū  
Coymbua vñd ain ritter der was haubtman des  
selbigen scheffs mit andern rittern vñd wäpnern.  
Also das ain ydes scheff in der fart vñd gselschaft  
hat gehabt ain besundern haubtman vñd sein or-  
nung. Also seind gewesen zwo groß karrace vñd  
sunst dreü grosser scheff. vñd zway mittel scheff  
vñd zway grabell. vñd sunst seind zway scheff vor  
zway monet für gangen mit rossen vñd meilern  
vñd mit den dienern die darzū gehört haben. Aber  
die zal der menschen die da geordnet seind das sy  
die frau kaiserin füren vñd belayten solten über  
das mör bis an die porten oder gestat Thalomo-  
nis mit gewapneter hand seind gewesen dreü tau-  
sent Nym war was macht da ist





In dem. xij. tag des monet nouembriß oß  
wintermonets. hat man die ancker auf-  
gezogen vnd alle scheffß seind mit gütem  
windt auß der porten gefarn vñ die segel seind all  
zū gericht gewesen. Do ist komen der durchlichti-  
gest künig von portugal mit ettlichen scheffen im  
mōr ain zeit nahent die ander zeit seer. vnd hat da  
belayt vnd gefürt sein liebe schwester die kayserin  
bey drey oder vier meyl wegs vnd vrlaub von ir  
genumen vnd von aller irer gesellschaft. vnd ist  
wider haym zogen in sein pallas Den der almech-  
tig got mit allem seinem geschlecht behüt vnd im  
sein segen gebe. Onym war was abschaydens  
vñ zertaylung ist da gewesen Die allerdurchleich-  
tigist frau juncßfrau vnd gemahel des kaysers.  
Leonora hat verlassen ir aygens reich, ir aygens  
geschlecht. ir wonung vnd weysß zū leben vnd hat  
sich gegeben in ainen verreinen weiten weg vnd in  
groß sorgueltigkeit des mōrs vnd also in dem na-  
men gotes vnser herren vñ sant Jacobs mit gü-  
tem wind seind sy gefarn tag vñ nacht vnd seind  
komen in das reich Granati zū ainem vester vnd  
starcken Schlos der hayden haist Gibalter Da  
hat der haubtman auß gesent ain grabell mit wol-  
geharnaschten wäpnern. sy zū besichtigen oder zū  
erfarn. vnd wir seind nacht vnd tag stäts gefa-  
ren vnd komen in die barbarey das ist in die hay-

denschaft. by ain grossen berg den man haist den  
Alffenberg da ziehen auß vñ wonen vil lewen vñ  
affen vñ den der perg den namen empfangen hat  
Do das die haiden vñ barbary gesehen. haben sy  
in den hohen bergñ des tags rauch vñ des nachtz  
prinendt feür gemacht vnd dardurch zaichen ge-  
ben den andern hayden vnd barbaren das sy ge-  
went wern das die cristen mit macht komen vnd  
in ir landt wolten. vnd daselb sein wir in groesser  
vorch vnd ordnung gewesen

**A**n dem zwayundzwainzigsten tag des mo-  
nets Nouembriß oder wintermonets An sant Ka-  
therinen tag seind wir vmb auffgang der sunnen  
in dem landt affrica übermōr zū der stat Cepta kō-  
men vnd all menschen haben knyend gebeten. das  
vns got geb glück vnd hayl zū der porten zūkom-  
men vnd da haben wir zum ersten die port vnd ge-  
stad genomen von dem reich portugal An dem sel-  
bigen tag was georndt das die fraw kayserin mit  
etlichen person man vnd frawen auch die potsch-  
afft mit sampt dem ritter Cristoff vngenad. vnd  
auch ettlich person auß den andern scheffen auff  
das erdtrich vnd auff das land solten gen. vnd al-  
so nach mittag ist die fraw kayserin mit dreihun-  
dert person auß irer gesellschaft mit trumettern  
vnd pusanern gangen in die stat Cepta vnd von  
der selbigen stat seind ir entgegen komen der haubt

man die ritterschafft vnd wapner angelegt in ir-  
em ritterlichen harnasch vnd das gantz volck ist  
komen mit freunden zů entpfahen die kayserin vnd  
ir volck vnd wenig auß vnser gesellschaft haben  
gesehen die stat. dan in der stat hat der künig von  
Africa sein sitz gehabt. vnd Hanibal hat darinn  
ain grossen pallas mit wunderlicher weis vñ ge-  
stalt gepaut Aber der durchlechtigist künig vnd  
herz zů portugal herz Eduardus der kayserin vat-  
ter hat mit schwerem grossem costen vñ darlegen  
die selbig stat bestritten erobert vnd zů seiner vn-  
dertänigkait gebracht vnd die hayden gewaltigt  
Wie gar gross pallas vñ gross starck auch wun-  
derlich peü in den thürn vnd pasteyen seind in der  
selben stat Vnd die kayserin ist da drey tag beliben  
dan sy was vast plöd worden von dem farn über  
das mör. vnd zů der selben zeit was in dem selben  
land vast gross hytz dann man het daselbs kraut  
gesetzt vnd sam geseet in den gerten wie man zů  
sant veits tag zů grätzs in der steyrmarck oder in  
der newen stat pflegt zů thün. Cepta ist vast ain  
grosse stat zway mal grösser denn wien in öster-  
reich. In der selben statt cepta seind gewesen vil  
kirchen oder bertheüser des machomets der hay-  
den got. vnd die haubt vñ oberst kirchen die vor  
zeiten ain hayden kirchen ist gewesen vnd nach  
der hayden sytten gepaudt die hat auff gericht



grosser seyln hundert vnd achtzig von marmel-  
stain manigerlay varb vnd bey dem hohen altar  
seind zwo seyln von dem edel stain grüner varb  
von dem stain serpentyn vñ ist yetz ain kirchen der  
cristen menschen vñnd ain bischoflicher stül ge-  
weicht in der eere vnser lieben frawen da gibt  
man auch den pilgram zaichn Aber es komen we-  
nig dar dan es ist seer. da ist auch ain andre kirchñ  
ausserhalb der stat auch in den eeren vnser lieben  
frawen der genaden. in der vil zaichen geschehen  
In der selben kirchen hab ich nicolaus lanckman  
von valckenstain auß geschafft der kaiserin vnd  
vorir maiestat mes gelesen. Die dritt kirchñ in der  
selbigen stat hat gar groß gepew vnd hoch. ist ge-  
weicht in den eren sant jacob. da haben die min-  
dern brüder ain conuent oder kloster. in dem selbi-  
gen kloster hab ich funden ain andätigen brüder  
des selbigen ordens Der an sant margareten tag  
zu Sant Jacob in gallicia bey mir was. der selb  
hat mich gefiert an vil stet. In der selben stat Cep-  
ta ist ain gemainer prunn vnder aym hohen ge-  
welb gleich als wär es ain grosse kirchen Daselb  
in cepta ist gar ain grosser pallast in dem der kün-  
ig von affrica vor zeiten vnd hanibal gewont  
haben Der selb pallast hat wend vnd soler wun-  
derlichen schön auß allerlay pollirten stain mani-  
gerlay farb. als die wend Sant Marx kirchen zu

Venedig. In dem selbigen palast hat vnser frau  
Leonora die kayserin jr woonüg gehabt. vñ in dem  
selben küniglichen geschloss sem dreü schöner lust  
iger bad mitt wunderlicher weis gepawt. Vnd  
nahent dabey ist ain allerschönister küniglicher  
garten mit allerlay baumen vnd kreütern die vns  
Cristen unbekandt seind. In dem selbigen garten  
hat die kaiserin merendet vñ in jr gedechtnuß mit  
jr aygen hand ain gertlin gepflanzt vnd hac das  
selb dem gartner mit vleis beuolhen vñ jm für die  
Arra ain ducaten geben. Da was auch ain apffel  
barom der het so lange vnd praitepletter das die  
kayserin ainem kind von sechs jaren außs zwoyen  
plettern ain mantel macht der jm nahent auff die  
erden gieng In den selbigen tagen zoch auß in der  
selbigen stat der haupt man ain Graf mit tausent  
geharnaschten. wider ain statt der hayden sechs  
meyl darvon. genant Tangere. vnd ist herwider  
komen mit freüden vnd hatt gepracht ettlich ge-  
fangen hayden. esel. meüler. ochsen vñ kü. Da hatt  
die kayserin geschafft das die haiden in jrem nam  
men frey vnd ledig dahin sollen gen. In der selbig  
en stat Cepta haben auch die haiden vil kostlicher  
kirchen vñ betthäuser den abgöttern gepawt. In  
der selbigen herischafft da haben all Cristen men-  
schen von dem bapstlichen stül volkomlich ablas  
aller jrer sünd. nach laut der bullen. dan sy müssen

täglich krieg vnd streit wider die Affricaner vnd  
hayden im mör vñ auff dem land fñrn vnd thñn.  
Auch in wenig vergangen jaren hat der kñnig in  
Affrica. Tñnes genant. gefangen her: Fernand  
des kñnigs von Portugal sun vñ der kayserin vat  
ter brñder. vnd hat in gefñrt in ain stat die hayst  
fres. vñ nahent bey der selbigen stat ist gewesen  
ain bischoffliche kirch vñ hat ghaissen Ipponenß  
da der hailig sant Augustein bischoff ist gewesen  
vnd ist geporn in ainer stat die hayst in ir zungen.  
Dagaze. vnd nahent dabey ist die grof stat Car  
thago. in der Hamibal vñ Hastibal starcke schloß  
fer gehapt. do sy die Rñmer nider gelegt haben. vñ  
ich hab gehñrt von vilen auß dem selbigen laund  
Affrica. das bey dem grab seliger gedechtnuß des  
selbigen herren Fernandi kñngs zñ Portugal der  
dan vmb des Cristenlichen gelaubens willen vñ  
zñ beschirmung seines volcks. in der haydenschaft  
gestorben ist. Da selbs vil grosse zaichen biß auff  
den heñtigen tag geschehen **O** wie gar ain gñts  
vnd fruchtper land ist affrica Aber da seind gar  
wenig cristen

**E** An dem neñnundzwainzigsten tag des monet  
November oder wintermonet des morgens nach  
der meß ist die fraw kayserin mit den jrñ wider  
ein gangen in die scheff vnd des selbigen tags mit  
gñtem wind haben wir geschifft vnd ander tñg



vnd nacht gefarn durch andre reich am mör vnd  
habū vns genahent zū dem reich Valentie daselb  
hatt vnser haubtman der margraff geschickt ain  
grabell mit wäpnern zū dem land vmb flaisch vñ  
frucht vñnd vmb süß frisch wasser dannes fault  
bald im mör des gleichen das brot schimlet pald.  
dannes sey zwir gepachen. vnd also on vnder laß  
sein wir gefarn vnd nit gefeyrt tag vnd nacht vñ  
seind kumen zū einer grossen Insel die hat grosse  
stet vnd schlösser vnd ist das reich Maioricarum  
Dise Insel ist vor zeiten gewesen der hayden bar-  
baroum zū der zeit aber des künigs von Arrago-  
nia vnd sy haben zū vns geschickt vñ gefragt wer  
wir wären oder von wañ wir kōmen. Aber man  
hat es yn nit gesagt Dann die scheff solten den sel-  
bigen weg wider haym farn Aber an sant Nico-  
laus tag sein wir kōmen zū dem grossen byspani-  
schen mör in den gulß des lewen daselbs ist grosse  
vngestümigkait des mōrs vnd das mör hatt da  
sein schwal vñnd wirbel vmb lauffen. das man  
haist zū latein Sirtis oder firtim ain schwirbel  
vnd der gulß ober werfel vnd vngestümigkait  
hat gewert was wir haben mögen farn ain tag  
vnd ain nacht O wie gar groß vnstümigkait vñ  
erhebung des mōrs. vnd groß sorglichait haben  
wir gelitten. vnd all menschen seind plōd worden  
vnd allermaist die kaiserin vñ ir zart juncfrawen

vnd do wir da selbs durch den gulf vnnnd werfel  
des lewen komen seind Da ist erstandn ain wind  
der wider vns ist gewesen. da haben wir vns erst  
vast gefürcht Dann hynder vns haben wir ge-  
habt den gulf vnd werfel des lewen. den man zu  
latin nendt gulsum leonis darin wir vil vn wun-  
lich mörwunder gsehen haben. gegen vns haben  
wir gehabt den starcken wind vn sein also genöt  
worden durch den wind vn mit grosser beschwe-  
rung zu der Innsel Marsilia Da selbs warn die  
dieb vnd mör rauber mit drey neuen das ist gros-  
sen schiffen vnnnd zway galeen. vnnnd vnser scheff  
warn zer strewt Aber zu dem zaichen vnd gedon  
der püchsen vnd drumeten seind sy kummen vnd  
haben im wasser an gegriffen die selbigen dieb vn  
rauber die dann grossen schaden in vil landt vnd  
enden im mör den kaufleuten vnd cristen than ha-  
ben. Vnd vnser scheff warn gross vnd die ancker  
wolten den grund nitt pald nemen. doch haben  
wir sy in die flucht pracht vnd das gross güt das  
sy gehabt. haben sy in ir galeen tragen vnd vnser  
wapner vnd streiter mit den zway grabellen ha-  
ben das ain gross scheff an gegriffen vnd mit pech  
vnd feur verprendt Das ander gross scheff habn  
sy mit dem zeig der da zu gehört durchgeboit vn  
versenckt in den grund des mōrs vnd die zwo ga-  
leen mit den raubern vn dieben mit dem grössern

güt seind sy in die flucht komen wider die windt.  
Das dritt groß scheff haben die vnsern begriffen  
aber wenig gûts darinn funden Nur ettlich rau-  
ber. tûcher. anckern. kagen haußradt ain glocken  
vnd vast gûten wein den han ich auch truncken.  
vnd haben also den ganzen tag mit den raubern  
volbracht vnd alle vnser scheff haben die ancker  
gesenckt vnd seind beliben in der selben Insel vnd  
die ist die ander port vñ rûe die wir haben gehabt  
von dem reich portugall. Von der selbigen Insel  
mar filia seind komen. der hauptman vnd obistñ  
Auch kaufleut der selbighn ynsel mit allerlay schan-  
kung vnd geben Kephûnner kûniglein kastraw  
brot wein vñ frucht vnd haben begert zû wissen  
von wann vnd wer wir wâren das wir mit so-  
licher macht. zû verpotner zeit im môr wâren Do  
ward yn gesagt wir weren cristen menschen vnd  
freünd vnd nit mer. Aber ettlich aus vns wolten  
sehen die hayligen stet die hül vñ grab sant marie  
Magdalene vnd Marthe sant Lazari vnd sant  
Maximini. da haben wir gesehen das der haubt-  
man der Insel ain vorch hat gehabt von dem  
volck der scheff vnd wâpner vnd des andern mor-  
gen ist er wider komen mit ainem ochsen vnd an-  
derm flaisch mit gûtem wein vnd gepachem vñ  
hat vast begert zû wissen wer wir wârn. das hat  
man ym in der gehaym zû wissen gethan vnd Er



hat sich des hoch erfreüdt vnd hat erst grosse gab  
vnd schanckung bracht

**A**n dem achten tag des monets Decem-  
bris das ist im cristmonet Do wir seyn  
gewesen in der porten zu Marsilia ist  
ain grosse vngestümigkeit komen vnd habñ sich  
die wasser also erhebt vnd seind die thünnen also  
auff vnd nyder gangen vnd gesprungen die schef  
an den anckorn als die hund an der ketten. vnd die  
groß karaca das ist vnser groß scheff darinn die  
kayserin mit irem volck was Daran zerbrachen  
alle sayl der ancorn vñnd seind gewesen in dem  
punct des tods vnd haben da gepeicht vnd vns  
alle got beuolhen. vñnd der patron oder regierer  
des scheffs der hat gehabt ain grossen schwären  
anker mit ainem grossen vnd langen sayl mit lau-  
ter seyden den hieß man den Saluator. das ist zu  
teütsch der hayland. gleich als vnser hail stünd an  
dem selben ancker vnd sayl. den ließ er in das mör.  
O wie gar groß arbayt haben die gehabt ain hal-  
ben tag vñnd ain ganze nacht mit dem selbigen  
sayl vñ ancker O wie gar grosse klag vnd rüffen  
aller menschen vñ vil glübt wurden da versproch-  
en dem allmächtign got. vñ die schön gezierd der  
juncfrawen vñnd frawen ist ganz verkeret vnd  
verändert worden vñ die schön jung gräfin von  
dem küniglichen blüt juncfraw Maria ist in vn

macht gelegen Als sy wär in den zügen des todes.  
vnd auß rat der frawen kayserin vñ der grössern  
haben wir gelobt vnd verhayssen mit aynigem  
gemüt das wir auff vnser aygene zerung zwen  
pilgrein wolten schicken gen sant jacob in gallicia  
vnd warlichen als bald lief der wind vnd vnge-  
stymigkait nach. vnd die andern scheff warn kom-  
men zū erstreuung Als der windt nun güt für vns  
was. hat der patron auß vnserm scheff ain grosse  
zull oder barcken auß gezogen in das mör. die dan  
im grossen scheff ist gewesen Darcin seind acht-  
vnd vierzig mör knecht geseßen zū süchen die anck-  
er die von den sailn gebrochen warn die seind des  
morgens her wider komen vnd haben nur zwen  
groß ancker bracht. O wie gar grosse arbayt ist  
wann man die ancker wider auß zeicht.

**E**n dem zwelfften tag des monets decembris  
oder cristmonet Haben wir geschifft vnd seind  
komen in das hoch mör da seind wider zū vns kö-  
men ainzigen vnser scheff die zerstrawet waren  
gewesen vnd haben vns da gesagt die groß sorg  
vñ geuärligkait des mörs in dem sy gewesen seind  
vñnd haben gesagt wie sy gesehen haben ettlich  
scheff auß der haydenschafft Barbaria die vns  
nach eylten Do hat vnser herr der margrass der  
hauptman hynder sich geschickt ain grabell mit  
wol erfarnen wäpnern zū der hüt vnd wir seind

also bey ainander in güter ordnung vñ schick ge-  
wesen nacht vnd tag. vñnd seind komen zñ ainer  
port Grinialdo. das selb ist ain Insel aber wir ha-  
ben kein menschen gesehen. vnd es ist gewesen an  
dem weihnacht abent da haben wir güt was-  
ser gefunden zñ trincken vnd haben vil vnd wun-  
derlich mörwunder gesehen Nymmar das ist die  
drit porten von dem auß gang von dem reich Por-  
tugalia

**A**n dem tag der gepurt vnser herren iesu cri-  
sti. in der porten da hat ain gaystlicher brüder auß  
vnser gesellschaft im scheff vor der kayserin vñnd  
den irn ain ganze volkomne meß gelesen vnd ha-  
ben das fest zierlich begangen. vñ drey bestellt die  
das gellt gesamelt haben den zway pligrein gen  
sant Jacob in galicia. vnd die selbigen gesendt als  
wir versprochen haben. vnd die kayserlichen pot-  
ten haben auß dem selbigen gestat oder portten  
auch ain potten mit irn briessen zñ der kayserlichen  
Maiestat geschickt

**A**n dem andern tag das ist an sant stephans  
tag des jars tausent vierhundert zway vnd fünf-  
zig seind wir gefarn tag vnd nacht vnd komen  
zñ dem Delphinat Da hat der mar graff vnser  
haubtman für geschickt ain grabel mit wapnern  
zñ vnser vorhüt Die selbigen seind am andern tag  
wider komen vñ gesagt das vil dieb vñ möräu-



ber wern versamlet in ainem gestat vnd porten  
des mōrs bey ainer stat haist Nicia vnd wern ge  
rüft das sy vns wolten an greiffen Do gab der  
marggraff vnser hauptman den selbigen zū mer  
streitper wapner vnd noturfft zū dem streit Also  
das ir wurden bey dreyhundert vnd hat sy gesent  
zū der porten da die mōrrauber warn. vnd sy ha  
ben sich in der grabel gar still vnd verborgen ge  
halten vnd der patron in der grabell was on har  
nisch vnnnd waffen vnd rüfft zū dem hauptman  
der rauber vmb sicherhait vnd glaidt Das selb  
versagt er ym vnd also griffen die dieb vnd rau  
ber an. vnnsen grabell mit gewaltiger vnd gewa  
pneter hand vnd als bey hundert kōmen darein  
Aber vnnsen wäpner vnd streitter die sich ver  
porgen hetten die sprungen her für vnd haben ge  
habt ain groß schlachen mit den raubern vnd ha  
ben etlich erschlagen etlich hinauß in das mōr ge  
worfen Do das haben die andern rauber geseñ  
do wolten sy irn gesellen zū hilff kōmen vnd habñ  
vnser scheff gesehen yn zūnähenden da seind sy wi  
der vns kōmen mit püchsen vnd geschossen vnd  
sy maynten wir wāren kaufleüt Aber wir seind  
gleich als nach ainer schnür mit vnnsen püchsen  
vnd geschosß wider sy kōmen vnd haben zūgena  
hent der portñ da sy warn da ist gewesen ain stat  
Aber die in der stat seind mit den mōrraubern ge

wesen vñ seind wider vns auß gezogen vnd komen  
auf dem wasser vñ dem mör vñ seind vngestymi-  
lich in vns geplagt vnd wir haben kein windt  
für vns gehabt Aber vnser wapner vnd streiter  
mit irn harnasch vñnd waffen bey vier hundert  
seind komen auff das land vnd haben die veind  
wider in die stat geiagt vnd die selbig nacht seind  
wir beliben in dem mör mit grosser hüt vnd ord-  
nung. dan wir haben kein wind gehabt der vns  
hett geführt auß der porten doch so haben die vn-  
sern an der selbigen nacht den selben mör raubern  
genommen ain vast grof scheff das was fast schön  
vnd wol geziert vnd war vorhyn gewesen aines  
mächtigen kauffmans der was komen von Alka-  
ya vñ was nun komen vnder die selbigen morder  
vñ mör rauber vnd von den vnsern seind erschla-  
gen worden. ain ritter vnd acht wapner die hatt  
man begrabñ in das mör vñ sechzehn sein wund  
worden ¶ wie grof sorguältikait ist im mör vnd  
wie gar ain sorgueltige weis zñ streiten im mör.

**A**Uß dem andern tag vor dem auffgang  
der sunnen hat der margraff geordnet  
vierhundert wapner vnd güter streiter  
auff das land vnd dreihundert zñ dem gestat zñ  
besichten vnd behieten Aber nyemandt von den  
veinden ist gesehen worden vnd die vnsern habñ  
gefunden ain süßen fließenden prunnen das haben

sy vns verkündt Als bald haben wir mit freunden  
gesent ain barcken mit väslein vnd läglein züschoß  
pffen vnd pungen wasser. vñ wir haben grossen  
abganc an dem wasser gehabt aller maist die kay  
serin die kain wein truncken hatt. Aber vmb den  
mittag hat sich versamelt ain grof volck auf dem  
land vnd seind komen wider vns mit panern vñ  
trumeten vñ harnasch vnd haben ye wollen wis  
sen wer die wärn die mit solicher macht der scheff  
mit streitlicher wer in der zeit des winters in dem  
moꝛ wern vnd haben doch ir erber potschafft zū  
vns gesent zwen ritter. die haben gesprochen.  
wer seind ir oder von wann kompt ir so gewalti  
lichen oder was ist ewer maynung Die vnsern  
aber die auf dem land seind gewesen habñ yn kain  
antwort wollen geben Es wär dan vor hyñ an  
standt vnd frid bayder tayl. vnd haben geschickt  
zū vnserm haubtman dem marggrafen. der hat  
geantwurt Es sey frid vnder vns vnd eich. vnd  
darnach hat er zū yn gesprochen. wir seind cristen  
menschen vnd komen von den letsten enden des  
erdrichs vnd begern zū Rom zūsein. vnd an der  
sprach erkennen sy den marggraffen das er von  
Portugal was. vñ sprachen wir seyen vnder dem  
ersten gebornen sun des durchlechtigisten vñnd  
cristlichen herren des künigs von francreich der  
ist ain gütter freünd des künigs von Portugall



Mögen vnd sollen wir etwas güts für eüch tün.  
des seyn wir beraidt. des erbierten wir vns Aber  
von der mörrauber wegen geet vns nichts an.  
daß sy seind herkumen vn frembd vnd haben also  
vil red gehalten von der rauber wegen Aber des  
delphin leüt wolten sich in nicht lassen merckenn  
dañ sy warn listig.

**E**An dem andern tag ist komen ain güter wind  
für vns. vnd alle vnser scheff haben den weg ge-  
nummen zü sarn tag vnd nacht vnd seind komen zü  
ainer insel die haist Corsyca vnd ist ain reich vnd  
gehört zü dem künig von Arrogonia. da wachst  
gütter wein Da ist herr Cristoff vngenadt blöd  
worden Darnach sein wir gesarn zü der oberkeit  
der herrn von Janua Die janueser haben ain gü-  
te porten oder gestat des mörs Darumb seind sy  
mächtig in dem möre vnd haben gesendt zü vns  
wer vnd von wañ wir wärn. Aber es ward yn  
nit gesagt. vnd wir haben güten windt vor vns  
gehabt vnd seind in walisch land gewesen vnnd  
sind also komen an vnser lieben frawen liechtmes  
tag zü der stat Pisa. vnd da haben wir die fünfft  
porten genumen von dem reich portugalía vn an  
dem selbigen tag der liechtmes vnser frawen ha-  
ben wir geraßt vnnd seind beliben bey dem gestat  
oder port Leorna. Ist zwo meyl von der stat pisa.  
vnd kain mensch ist auß den scheffen gangen. dan

wir solten nâch dem anschlag in der porten thalomonis vnder der herrschafft der seneſer zûgelendt haben vnd daſelb solten wir andre poſſchaft des rômischen kayſers gefunden haben Aber der wind was vns wider vñ vil auf vns warn plöd allermaist die juncſſrawen vnderlich ganz frantz

**E**n dem dritten tag des february oder hornung. an ſant Blasij tag hat die kayſer in mit dem margraſſ den Rat berufft. da iſt beſchloſſen das ainer aus den kayſerlichen potten der alle ding tractiert gehandelt vñ geſehen het. ſolt ſûchen den alldurchleuchtigſten herr den kayſer ob Er auff dem weg oder nit oder wa er wâr. vnd ſein maiestat von allen dingen ſonderlich vnderrichten vñ warumb wir mit ſo vil ſcheſſen vnd volck nit hetten mögen kômen zû der porten Thalomonis. Ainer vñ den potten maiſter jacob mög der was von der vngewiltkait des môres frantz vnd erkrumpt vñ ganz contract vñ mocht nit. Der ander pot oder orator Nicolaus lanckman der was blöd. doch nam Er die bürde auf ſich. vñ den ließ man fûren mit ainem knecht in die port Leonã da hat Er zway roß entlehent biß in die ſtat Piſa. da ſelbs hat er zway roß gekauft. vnd der poteſtat der ſelbigen ſtat hat im zû geben ain trûwen weg fûrer zû roß mit dem iſt der ſelbig Orator bey tag vñ nacht geritten in groſſer blödikait vñ iſt kom

men gen Florentz an sant agathen tag. vñ als die  
kaiserlich maiestat vñ künig Lasla zū hungern vñ  
Böhem ic. Herr Albrecht Herzog zū Osterreich.  
Grafen vñ Freyherren von hungern. A. von Bo  
sing. von Krabatten. Iban von Osterreich. A. von  
Maidburg. A. von Scharonperg. zwischen neun  
vñ zehen vormittag zū Florentz wolten mess hö  
ren zū vnserfrawen Annunciat. do ritt gegen in  
der selb Nicolaus lanckman vnd tradt ab von sei  
nem roß vñ knyet nider auff seine knye vor der rō  
mischen kaiserlichen maiestat Denempfieng der  
Römisch kaiser mit grossen freüden. vnd do das  
ampt für was vñ die Rät versamelt do ward ge  
hört der selb Nicolaus. vnd als bald schickt der rō  
misch kaiser sein brieff seinem außewelten gema  
hel. vñ wie Er jr geschriben het. also werden alle  
ding verordent. doch beliben die scheff in der por  
ten oder gestad Leonora mitt sampt den wäpnern  
wol versehen mit aller nottürfftigkeit.

**E**n dem sibenden tag des monets februarij 08  
hornung Hat die kaiserlich maiestat auß Florentz  
gesendt ain lobliche porschafft zū empfangen seyn  
gemahel Leonoram in die stat Pisa Ein hertzog  
von Teschyn Die grafen von Maydburg vnd  
Scharonpurg vnd vil ander wolgeborner herren  
vnd von der porten thalomonis komen auch die  
vorhyn verordent waren von der kaiserlichen



maiestat Der hochwirdigist in got vater vñ herr  
her: Eneas bischoff zñ Senis vñ die nachgeschri-  
ben wolgepomm edel vnd streng herren. Albrecht  
von pettendorff mit seiner hauffrawen aine von  
liechtenstain von moraw Görg von volkenstorff  
Bernhart Tehenstayner mit seiner hauffrawen  
Baltasar rottenberger Margaretha zinzendorff-  
ferin Ursula vñ dorothea bayd neyderckery juncck  
frawen fraw. Apellenderfferin vnd sunst vast  
vil wolgebomer vnd edler bayder geschlecht fra-  
wen vnd mann Mer dan fünffhundert seind kö-  
men in die statt Pisa In namen der kayserlichen  
Maiestat zñ entpfahen sein gemahel die kayserin  
vñ Nicolaus lanckman auß geschäft des kayser  
ist wider geritten zñ der kayserin Da hat die kay-  
serin mit groffem fleiß vñ vast vertraulich gefra-  
get von dem selben nicolao von dem gesund vnd  
wolmügen der römischen kayserlichen Maiestat  
ires gemahels vñ herren vnd ob er der kayserlichen  
maiestat alle ding gesagt vñ erklärt het. die da ge-  
schehen wern im reich Portugalie vnd in Affrica  
vnd wie es yn gangen wär im mör vnd auff dem  
land vnd ob seiner maiestat etlich ding wol genie-  
len vnd ob sein maiestat ain mitleyden mit ir hett  
gehabt vnd do sy in der red warn. auß der gröff ir  
lieb da zähert sy vnd ir maiestat mocht das way-  
nen mit verhalten vnd die vermahelt kayserin ist

etlich tag zů pisa beliben Da haben die von portu-  
gal vnd die teütschen mit ainander vil freünd vñ ge-  
spräch gehabt Pisa ist ain grosse stat vnd ain fließ  
send wasser taylt sy in die leng vnd hat vorzeiten  
geregieret die stat Jerusalem vnd zů ainem zaychñ  
der vnderthanigkait hat alle jar das hailig land ge-  
schickt. ain schenck gen pisa Als man das sieht in  
der haubtkirchen zů pisa In der selben stat in dem  
floster sant Franciscen ordens. ist begraben herr  
johanns hertzog zů osterreich der sein regierendñ  
brüder vmb bracht hatt Der begraben ward zů  
künigssfeld in sweitzen

**I**n dem neüntzehenden tag des monets febru-  
arij das ist des hornungs hat sich erhebt die ver-  
mähelt kayser in mit dem margrafen von valentz  
vnd dem andern irn volck bayder geschlecht des  
reichs portugal vñ die osterreichischen mit ir ge-  
selschafft in der ordnung. als sy verordnet wurden  
vnd seind komen in etlichen tagen durch die stett  
vnd schleffer gegen der stat Senis in der selbigñ  
stat senis was der durchlechtigist herr kayser. vñ  
herr lasla zů vngern vnd bohem künig ic. herr Al-  
brecht hertzog zů osterreich des kayfers brüder. mit  
andern fürsten grafen freyen rittern des hayligen  
römischen reichs Es warn auch da des hayligen  
stüls zů rom Cardinel Legaten ic. auch vñ der her-  
schafft venediger. florentzer. bönoneser vñ vil wol

gebórner vñnd edler des walischen lands. hetten  
sich da versamelt vñnd warten auff die zů kunfft  
der vermáhelten kayserin. vñnd die selben seind mit  
grosser gezier vñ ordnung auß geritten auß das  
feld entgegen vñnd haben ir maiestat vñnd ir gewer  
ten mit schönem grůß empfangen Aber vnser herr  
der kayser mit sampt den andern herren die da bey  
ym waren Ist ir entgegen geritten auß der statt  
Senis vñnd do er hat gesehen sein vermáhelte vñ  
auß erwelte juncckfraw zů ym kómen vñnd nahend  
Do ist sein kayserlich maiestat von seinem roß ab  
gestanden Des gleichen die vermáhelte kayserin.  
vñnd seind zů fůß zůsamen gangen vñnd an ainan  
der mit grossen freyden empfangen vñnd ainander  
freündtlich vñnd lieblich vmbfangen Darnach  
hat die kayserlich maiestat. ir maiestat gesellschaft  
gar zierlichen vñnd genámlichen empfangen Vñnd  
zů ainer ewigen gedächtnuß ist an der selben stat  
vor der portñ auß gericht ain staine saul Als man  
dñ das auß den heütigen tag sieht vñnd also seind  
sy etlich tag da beliben in der selbigen stat senis vñ  
gerüt vñnd vil vnderred vñnd rät gehabt vñnd alle  
tag haben die herren von senis die kayserlich maie  
stat vñ auch sein vermáhelte kayserin. mit schenck  
en vñnd gaben geeret Darnach hat sich erhebt die  
kayserlich maiestat vñnd her laßla künig zů hung  
ern mit den fürsten vñnd herren des Rómischen



reichs vnd seind komen durch die stett vnd castell  
gen Rom vnd sein auferwölte kayserin Leonora  
hatt ym nach genolgt mit den die ir zü geordnet  
seind worden. mit sollichem geschick als dan das  
verschaffen was. vnd aufwendig vor der stat zü  
rom Nach alter loblicher gewonhait der römisch  
en kayser Da haben sy sich mit allem volck enthal  
ten vnd da ir gezeld auff geschlagen vnd in dem  
veldt benachtet

**E**n dem achten tag des monets Marcij das  
ist der mertz. Da hat der durchlechtigst fürst herz  
Albrecht hertzog zü osterreich Der da was des  
ganzten volcks obrister hauptman auff dem veld  
vor der stat rom ain ordnüg gemacht in dem teit  
schen volck vnd in dem portugalischen volck bay  
der geschlecht Das sy all vnder dem paner sandt  
Jörgen vnd vnder dem paner des hayligen römi  
schen reichs solten zü rom einreyten. vnd ain yeder  
solt sich in seiner ordnung vnd stat vnuerkert hal  
ten. dan es seind mer denn fünff tausent menschen  
bayder geschlecht zü rom mit grossen schein vnd  
gezierd in der selbigen vardt gewesen **O**wer hat  
ye ain soliche proceß gesehen wan man wil wegn  
die person vn die würdigkait der person. vnd von  
der portien zü rom seind sy entgegen kommen mit  
trumeten vnd gesang Da seind kumen die patri  
archen Cardinal vnd bischoff die fürsten auß kün

niglichem stam vnd die römer vnd dar zū volck  
aus allen geschlächten das vnder dem hymel ist  
Mit grosser reuerenz vnd haben empfangen die  
kayserlich maiestat vnd seiner welte kayserin. vnd  
also zwischen acht vnd neüne vor mittag seind sy  
geritten durch die port der stat rom bey der engel  
purg vnd seind komen ain yeder in seiner ordnung  
zū den stoffeln oder stamen styegen sant Peters  
kirchen. Da hat vnser hayligister vater der pabst  
Nicolaus der fünft Den römischen kayser vñ sein  
vermähelte kayserin. heri laßlaum zū vngern vnd  
böhem künig. heri Albrecht hertzogñ zū östereich  
oberwartz der selben stoffell mit seinem babstlichñ  
segen mit grossen freüden empfangen vnd yn seyn  
haylig hend vñ süß züküssen geben. vnd hat man  
da vor ain schöne vored oder predig gethan Dar  
nach hat vnser hayliger vater der pabst die kayser  
lich maiestat zū der rechten hand vnd die kayserin  
zū der lingken hand mit sein henden gefüret vnd  
seind eingangen in die kirchen sant peters zū dem  
hohen altar. Do hat man trumet gepfiffen vnd  
pusawnt gesungen vñ allerlay saytenspil seind da  
erhört worden Darnach hat er sy gefürt für den  
altar da die veronica ist. vnd an die andern hayli  
gen stet in der selben kirchen mit grosser andacht  
vnd lobsagen got dem allmechtigen. vnd groß  
volck hat yn nach genolgt mit gebet vñ andacht

zū got vnd sein hayligen Do dise ding volbracht  
seind do hat vnser hayliger vatter der Babst mit  
seinen Cardinaln Den allerdurchlechtigsten her  
ren kaiser vnd sein vettern künig ladiflas an aym  
tayl vnd die fraw kayserin an dem andern tayl zū  
irm gezierten vnd bestelten pallasten vnd herber  
gen persönlich belaydt vnd geführt Darnach ist  
ain yeder zū seiner gefazten herberg gangen

**A**n dem neunden tag des monets Mar  
cij oder merz vnd die nachuolgenden  
tag haben die kayserlich maiestat vnd  
sein vermahelte kayserin Herz laßla künig. her: Al  
brecht hertzog zū österreich. her: Amargrass zū  
valenz mit irer ritterschafft vnd herschafft bay  
der geschlecht die hayligen stet Sant peter vnd  
pauls vnd ander haylig stet inn vnd aussershalb  
der mauer der stat rom mit andechtigem gemüt  
haym gesucht mit schöner ordnung Dañ es was  
groß volck da. damit das kain außlauff nit würd  
vnd haben da von irn sünden ain raine beicht vñ  
büß volbracht. Es hat auch die allerdurchlehti  
gest kayserin vnd Juncfraw fraw Leonora von  
vnserm hayligen vater dem pabst erworben ain  
sunder genad vnd alle die mit ir in der fardt seind  
gewesen fraw vnd mann.

**A**n dem sechzehendn tag des monets Marcij  
oder merz Am pfingtag in dem man singt Sa-



lus populi ego sum Ich byn das hail meines vol-  
cks hat vnser hayligister vater der pabst vnsern  
herrn herr Fridrichen romischen kayser vnd die  
junctfraw fraw Leonoram kayserin zu sant peter  
in angesicht der kirchen zusamen geben vnd vnser  
hailiger vater der pabst hat an dem tag die zerüg  
reichlich vnd loblich außgericht

**A**n dem Suntag zu mitter vasten So singt  
Letare ierusalem. Ierusalem du solt dich frewen  
Des jars do man zalt tausent vierhundert zway  
vñ fünffzig an dem neünzehenden tag des merz  
hat vnser hayligister vatter pabst der fünfft nach  
herkomender gewonhait in der kirchen sant Pe-  
ter das götlich ambt mit hochzeitlicher wird vñ  
ceremony angehebt zu singen vnd den allerdurch-  
leichtigsten herrn herr Fridrichen zu der zeit römi-  
scher künig ic. vnd sein gemahel vnd junckfraw  
fraw Leonoram vor dem altar mit grosser hoch-  
zeitlicher wird in gegenwürtigkayt der herren.  
Des patriarchen von agla der Cardinaln Erzbi-  
schoff vñ bischoff herr Ladislaus. herr Albrecht  
herzog zu östereich ic. Margrafen von valenz  
grafen freyen ritter vnd herren ic. In dem namen  
der vngetaylten diualltigkait gesegnet geweiht  
vnd gesalbt. vnd sy mit den kayserlichen inseln vñ  
kronen hochwirdtlichen gekrönt. vñ hat da alle  
die gesegnet die yn wol theten vnd wol sprächen

vnd die verfliecht die yn vntreülichen vnd übel  
täten vnd übel sprächen. Nym war diser ist der  
ainig vnd der erst kayser von dem hauf österreich  
der da die höchst eere auff der erden dem hertzog-  
taumb österreich durch sein person in der kayser-  
lichen kron vnd höchsten wird zů bracht hat Dar-  
umb sey ain yeder behüet. das man yn nit laydig  
Das er nit auf solicher laydigung einfall in das  
laster vnd sünd das man zů latein haist Crimen  
lesemaiestatis Das ist laydigunng der maiestat  
Das da gestrafft wirt vnd sol werden in den kin-  
dern byß in die dritt gepurt. darnach O wie gar  
süßer gesanck der singer ist angehabt worden in  
dem gesang Te deum laudamus. wir loben dich  
got. den man gesungen hat bisß zů dem end mit an-  
dern collecten vnd gebett die da gesprochen seind  
worden man hat auch all glocken geleit. vnd do  
dise personen also geziert vnd gekrönt seind gewe-  
sen do hat man das götlich ambt volbracht vnd  
beschlossen vnd dis ist gar ain hochzeitlich vnn-  
zierlich werck die krönung aines kayser's Dann  
schwert ain kayser der hayligen cristenlichen kirch  
en vnserm hayligen vatter dem Babst vnd seinen  
rechtlichen nachkomen vnd was der ayd inn helt  
Ist in dem rechten geschribñ. wer hat ye gehört  
des gleichen. das ain iunckfraw vor der leiplichñ  
verainigung Kesy von ihm haufwirt beschlaffen

ist mit der höchsten kayserlichen insel vnd kron zu  
Rom also götlich vnd würdiglich sey gekrönt ge  
salbt gewacht vnnnd gesegnet worden Als allain  
dise küniglich vñ kayserlich iunckfraw fraw Leo  
nora von dem hohen standt des reichs Portugal  
geborn Do dise hochzeitliche vnnnd würdige ding  
also volbracht sind worden. do ist der aller durch  
leichtigest kayser mit seinem vettern herz laßla kün  
ig zu hungern ic. vnd ien fürsten grafen freyen  
vñ wolgepomen ic. mit grossen freuden vnd ord  
nung zu der Engel vnd tiberbruck komen vnd da  
selbs nach loblicher gewonhait den Romischen  
kayser vil edelherren zu ritter vnd herren gemacht  
vnd ist darnach fürder zu sant johannis latronen  
sem in die kirch vnnnd zu dem pallast latronensem  
geriten vnd nach seiner gewonhait sein andacht  
da selbs gehabt Got dem almächtigen gedanckt  
vnd sich ym beuolhen vnd hat sich darnach wi  
derumb gekert vnnnd aber new ritter geschlagen  
vnd gemacht vnd ist also komen zu sant peter in  
sein pallast vnd hat darnach des hayligen Romi  
schen reichs vnd der ganzen cristenhait anligend  
visachñ mit dem allerhailigsten vater dem pabst  
vnd seinen Cardinaln treülichen tractiert vnd ge  
handelt vnd ist also etlich tag zu rom beliben  
**A**n dem fünffvndzwainzigsten tag des mo  
nets marcij ober merzen Do hatt der aller durch



leichtigist herr herz Friderich der dritt vñ neuw  
gekrönter Römischer kayser vnserm hailigen vat  
ter dem bapst vñ den hochwürdigsten herrn den  
Cardineln treulich bevolhen seinen lieben vettern  
herr Lasla künig zū Hungern vñ Böhem ic. vnd  
als sein hofgesind. das sy den selben treulich behie  
ten vñ behalten solten bis zū seiner widerfart vñ  
ist also mit sein Fürsten Grafen. freyherrn. rittern  
vñ Edeln zū dem reich Cecilia vñ Napels geriten  
vñ in ettlichen tagen durch stett. marckt vñ castell  
bis zū Napels komen. da ist seiner kayserlichen ma  
iestat entgegen geritten. der durchleichtigist herr  
herz Alfonsus zū Arrogonia Sicilia hie zwischē  
vnd dem andern tail farum valenz Jerusalem zū  
Hungern Maiorica Sardinia zū Corsica künig.  
zū Barchion Athenia Neopatria hertzog. Bessili  
on vñ Cerithoma graff ic. mit allen Eren hoch  
zierlichen vñ würdiglichen mit schöner ordnung  
vñ hat die selb kayserlich maiestat mit grossen frei  
den empfangen vñ umbfangen vñ in gefürt in die  
stat Naplos. in ain pallas das im zūgericht was  
mit grosser Eer vnd wurde. Vnd die aller durch  
leichtigist fraw vnd juncfraw Leonora yetzge  
kröntc kayserin. hat auch von vnserm hailigsten  
vatter dem bapst vrlaub genomen vñ seinen seg  
en empfangen vnd nach gezogen der kayserlichen  
majestat. vnd herr Lasla künig zū Hungern vnd

Böhem. mit seiner herrschafft. vñ schier der ganz  
bäpstlich hoff haben die Römisch Kayserin mit jr  
zügeordneten. aus der stat zü Rom mit grossen eern  
geführt vñ belait. Da hat heri Lasla künig zü Hun  
gern. von der Römischen Kayserin vrlaub genom  
men vñ ist wider gen Rom geritten in sein pallast  
der im zügericht was. Aber die Römisch Kayserin  
vnd junckfraw ist mit irem hoffgefind vnd züge  
ordneten mann vnd frawen von tag zü tag komen  
durch die stett. castell vnd märckt bis zü den enden  
vnd gemercken der stat Naplos. Da hat sich der  
obbenent künig von Arrogonia vnd Cecilia Al  
fonsus mit seinen Fürsten Grafen vñ herren bay  
der geschlecht auff das aller zierlichst vnd schein  
berlichest zü gericht vnd ist ent gegen geritten der  
selbigen Kayserin vnd hat sy als sein liebste tochter  
mit freüden auf dem veld empfangen vñ umbfan  
gen vñ ir gesellschaft. Nun merck mit wie grossen  
freüden vnd grosser lieb der künig Alfonsus sein  
liebe tochter empfangen hatt Leonorā die römisch  
Kayserin. Dañ sy ist gewesen seiner leiplichen eelich  
en swester tochter vñ ist von den weitisten enden  
der cristenhait zü ym kommen vnd hat jren freünd  
haym gesucht. vnd also hat der selbig künig die  
loblich Kayserin mit grossen eeren mit trummetten  
pusaxon pfeissen vnd paucken vnd andern sayten  
spiln an seiner seiten durch die grössern gassen der

selbigen stat zů dem schloß vnd palast in dem hö-  
hern tayl der stat zů irem herin vnd gemahel dem  
romischen kayser geführt Der ist ir entgegen gan-  
gen vnd hat sy auch gar würdiglichen empfangē  
Der künig von Arrogonia herz Allfonsus hat sol-  
lich würdig gest vñ edel nye gehebt In dem merck  
was grosser freud vnd frelichkeit der künig vnd  
die semen hetten. vnd also habent sy in der statt  
Naplas geraft. Nun am hayligen gründonstag  
oder antlastag. do ist der kayser vñnd der künig  
Allfonsus. herzog Albrecht von osterreich. herz  
fernandus herzog zů Calabria des künigs sun.  
in die erzbischofliche kirch zů Naplas komen Da  
hat man die kayserlich maiestat mit der proces vñ  
dem fronleichnam cristi vnder ainem kostlichen  
hymel empfangen vnd seind also die vier mit dem  
bischoff der das sacrament getragen hat vnder  
dem hymel bis zů dem hohenaltar mit andächti-  
gem gemüt komen vnd habent darnach in den sel-  
bigen hayligen tagen ir andacht gehalten

**I**n dem hayligen Ostertag der da was  
der neünd tag des Aprilen In dem mit  
grosser andacht Mitt hoher loblicher  
zier das götlich ambt volbracht was do wurden  
an gehebt vil freuden zů lob got vñ seiner vñstend  
mit gesanc vñlerlay zungen vñ mit maysterlichen  
gemachten osterlamplein. dann auf dem pallast



der kayserlichen Maieſtat pracht man ain oſter-  
lamp Zuſ dem pallast des künigs vō Aragonia  
auch aines. Zuſ dem pallast hertzog Albrechts  
von oſterreich auch aines. Zuſ dem pallast des  
hertzogen von Calabria auch ains. Diſelämmier  
alle ſeind vnzerbrochen vnd gang komen auſſ der  
kayſerin tiſch vnd ſeind da vil hoſſlichkeit beweist  
worden

**I**n dem andern oſterſeyrtag da hat man  
in ainem ſrawen kloſter in dem nyder  
rayl der ſtatt In gegenwirtigkeit des  
kayſers vnd der kayſerin künig fürſten herren ic.  
geordiniert ain ſpil vnd representaz von bem ley-  
den criſti. des geleychen kaim menſch nye geſehen  
hatt. Aber an dem andern tag darnach ſeind die  
kayſerlich maieſtat vnd ir gemahel. der künig mit  
irn fürſten. man vnd ſrawen vñ ander vil volks  
durch ain loch bey liechtem tag mit liechtern ſack-  
eln vnd lucernen ains groſſen vnd hohen pergs  
geritten vñd ſeind darnach komen in am weyts  
prayts vnd luſtigs ſeld vnd zū ainem wald Da  
ſeind in dem ſelbigen walde gewoſen manigerlay  
thier wilde hirschẽ rech wildſchwein pern luchs  
leopard küniglein ſuchs haſen ic. vnd daſelbs vor  
allem volck mer dan viertauſent man vñ ſrawen  
zū roſs vnd vil mer zū fuß Hüb man an zū jagen  
mit hunden die wårn vaſt groſ vnd ſtarck vnd

mitt schnellen wynden vnd anndern die warn all  
beklaydt mit seyden joppen manigerlay farb vnd  
herten halßband mit gold vnd silber vnd perlein  
geziert. vnd was ain sollich geiäg des geleychen  
kain mensch gesehen hett. Da was gemacht auß  
maisterschafft ain springender pumn von kostlich  
em gütten wein zü lust vnd ergerung des volcs  
brot palent confect von zucker das mocht ain ye-  
der nyessen Da wurden auch auffgericht stechen  
vnd ander vil frölicher vnd zierlicher ding. Dyse  
het alle der künig von Arragonia zü ern der kay-  
serlichen maiestat vnd seiner gemahel. zü gericht  
vnd da haben wir gesehen den prinnenden perg  
in dem reich Cecilia Den man nennet ollam fulcani  
vñ man sagt es sey ain segfeür da. Naplas ist gar  
ain vermerte vnd grosse stat vnd ist da ain erzbis-  
tumb vñ vil klöster vnd ain karchuser kloster auf  
dem perg vnd hat zway grosse schlösser vnd pal-  
last Das oberer in dem gewondt haben der Kö-  
nisch kayser vnd sein gemahel vnd herr Alfonsus  
der künig Das ander ist in dem nider tayl in dem  
gestat des mörs. vnd haist Castell noua. das ist  
das neu castell ic. Zü der zeit seind auff dem landt  
gestandn vast grosser scheff zway ganz neu Ains  
als groß das es tausent streitper männer mit al-  
lem dem das zü yn gehört mit aller jr notdurfftig  
kalt ain ganz jar wol mocht begreifen

**I**n dem santag des achten tags nach ostern.  
an dem man singt Quasi modogenitric. vñ was  
der sechst tag des april Da hat herz Alfsunsus der  
künig zu Aragonia vñnd Cecilia gar ain grosse  
landtschafft vñ ain mal oder wirtschafft beraidt  
Allen fürsten vñ volck vnd was grosse freud vñ  
freolockung in der ganzen stat vnd ist dem durch-  
leichtigsten kayser vnd seiner vermahelten kayse-  
rin ir bayd schlaffpet auff das zierlichst beraydt.  
gewesen vnd man hat sy da zü samen gelegt Die  
selben zwö person well der allmächtig behüeten  
vnd well sy gesegen das sy fruchtberlich wachsen  
vnd wöll yn verleihen das jr samen mit grosser  
glicksamkeit wachse vnd beleib auff dem erdtrich  
biß zü end der welt

**I**n dem andern tag darnach. Da seind  
sy gen kirchen gangen vnd haben gott  
dem almächtigen dancck gesagt mit ay-  
nem gesungen ambt vnd vil messen vnd opffern  
die da volbracht. vnd seind darnach zü dem essen  
gangen. vnd ist grosse freud in allem volck gewe-  
sen. vñ herz Alfsunsus vnd sein sun herz fernandus  
der herzog von Calabria die haben grossen vleiß  
gethan vnd seind sorguältig gewesen wie sy in al-  
len dingen der kayserlichen maiestat vnd seiner  
kayserin ain gut wolgeuallen erzaigen vnd groß  
er vnd wurde beweisen möchten Des gleichen



ist am andern vnd dritten tag geschehen Aber es  
ist kommen ain pot von rom zu der kayserlichen  
maiestat vñ hat jr etwas potschafft bracht von  
wegen herr Lasla künig zu hungern vnd böhemz  
do dasselb kayserlich maiestat verstanden. do hat  
er seiner allerliebsten kayserin ain ordnüg vnd vn-  
derricht geben vñ hat darnach vrlaub genomen  
von dem künig von Arragonia vñ dem hertzogñ  
von Calabria vnd den andern vñ ist in den galeen  
über das mör mit den seinen komen eylendt. Vnd  
ist zu seinem allerliebsten vettern herr Lasla künig  
komen vñ hat yn gesund vñ frisch mit seinem hof-  
gesind gefunden vnd darnach mit vnserm hayli-  
gen vater pabst vnd den würdigisten Cardinaln  
vñ den edln römern manigerlay rät gehalten vñ  
sich vnd den selben sein vetter künig lasla ire reich  
vnd länder treulich beuolhen vnd also haben die  
kayserlich maiestat vnd der künig lasla mit iren  
fürsten vnd herrn von vnsern hayligen vättern  
dem pabst den hochwürdigen Cardinaln vñnd  
edeln Römern vrlaub genomen vnd vnser hayli-  
ger vater hat yn sein hayligen seggen geben vñ hat  
sy mit grosser magnificenz vñ Zer lassen belayten  
vnd also ist die kayserlich maiestat mit künig lasla  
vñnd den andern geritten durch Biterff Senis  
Florenz Bononi vnd komen byß gen Venedig  
Da hat die herschaft von venedig groß reuerenz

vnd eer erzaigt der kayserlichen maiestat vnd den  
sein vnd daselbs zu venedig hat sein maiestat ge-  
wartet seiner lieben kayserin die er vorhyn zu Na-  
plas het gelassen Aber die durchleichtigiste kayse-  
rin Nach dem vnuß die kayserlich maiestat von  
naplas gefarn ist. da ist sy zu naplas bey irm vet-  
tern dem künig von Arragonia der ir müter leip-  
licher brüder was mit irn freyen grassen rittern  
edeln bayder geschlecht bis an sant Marx tag be-  
liben

**A**n sant Marx tag ist die kayserin von  
Naplas auß zogen mit irm volck auff  
dem landt durch die stett castell vnuß  
märckt vnd ist komen gegen dem reich Cecilie an  
die ende des lands Campanie in ain statt haist  
Mamphradonia in der selbigen stat hat sy an dem  
tag der ersindung des hayligen Creutz der da ist  
der drit tag des monets in mayen. ir Kne gebabt  
Mamphradonia ist ain grosse stat bey der statt  
Syont vnuß ist am port oder gestat des mōis  
Da ist gar ain grosse glocken in ainem thuren das  
kein mensch kein grössere glocken nye gesehen hat.  
In der selben stat seind etlich abgeschnitten keger  
oder die ir hauffrawen vñ töchter mittailen wer  
ir begert gehaissen Nicolaite

**A**n dem fünfften tag des monets May do ist  
die kayserin kirchuerten komen mit aller irer herr-

schafft bayder geschlecht zu dem berg Gargano  
zu der kirchen des hayligen sant Michels Die selb  
Kirchen ist nit durch die menschen gepaut oder ge-  
weicht Sunder wunderlichen funden worden  
vnd hat die gestalt als wär sy gemacht auß layn.  
Aber sy ist mit hymlicher gab gesterckt vnd ge-  
macht Als man dan list in der history an dem tag  
sant michels erscheynung Vnd die frau kayserin  
hatt da ain grof fest vnd hochzeit gehalten mit  
messen vnd opffern vnd der grof doctor maister  
hanns hynderpach kayserlicher Cangler vn̄ auch  
der hofmayster vnd die andern Ambileit haben  
zu dem fleissigklich geholffen. vn̄ ich nicolaus hab  
da mess gelesen vnd die selbig stat vnd kirchē gar  
wol besichtigt Es ist da gar vast ain grosser fe-  
lich von lauterem gold vnd vil kostlichen staynen  
vmfetzt Den hat der obgenant herr Alfonsus kün-  
ig zu Arrogonia in seiner gedächtnus dem hay-  
ligen sant michel geopffert vnd geben. An dem sel-  
ben tag hat man vns bracht kerschen vn̄ weichsel  
vnd neu frucht von den äckern Vnd bey dem sel-  
ben berg als in ainem tal gegen der sunnen nyder-  
gang wondt ain alter andächtiger vater ain ain-  
sidel zu dem byn ich gangen vnd hab gesehen die  
stat seiner wonung. da hab ich gesehen vn̄ erkent  
sein hayliges leben vnd hab mit ym von man ger-  
lay ding geredt vn̄ der selb ain fidel hat mir gesagt



das die reich Cecilia vnd Naplas vñ das hertzog  
tumb Calabria mit erblichem recht nit zugehört  
dem künig von Arragonia Sunder ain tayl der  
römischen kirchen. vnd das ander tayl dem künig  
von frantreich Dan vor zwey hundred jarn Do  
hett der künig von Arragonia ain krieg mit dem  
künig von Sicilia gehaissen Karolus vnd was  
ain brüder des künigs von frantreich. herr Lud-  
wig genent. vñ seind auf baiden tayln vil erschla-  
gen wordn. yedoch so hat der künig von Arrago-  
nia den karolum in flucht bracht vnd hat Sicili-  
am besessen Darnach über ettlich zeit ist es wider  
darzū komen das die fürsten auß frantreich Si-  
ciliam vnd Apuliam überkomen vnd besessen ha-  
ben. als Reinherus von lotringen auß dem stam  
vñ plüt der künig von frantreich. Den selben hat  
herr Alfonsus der gegenwürtig künig von Arra-  
gonia mit gewalt auß getriben vñ bekriegt Vnd  
der ainsidel hat weyter gesagt Es ist ain einfluß  
der hymel vnd des gestirns Nach dem als das kün-  
igreich von Arragonia ligt das gemainlich die  
fürsten von dem küniglichen plüt von Arrago-  
nia geborn. syg haben vnd überwinden mit grof-  
sem glick vñ fortune Die weil nun die aller durch-  
leichtigist fraw die kayserin fraw Leonora ist ain  
tochter der leyplichen vñ eelichen schwestern herr  
Alfonsij des künigs zu Arragonia So soll nye-

mandt zweyfel haben sy wirt in irm samen groß  
 glück haben vñ irm samen werden grosse gütter  
 glücklich zū steen Also haben wir zwen mit ainan  
 der vil stuck geredt. von dem lang wår zūschreibē  
 Vñ die aller durchleichtigste kayserin mit irm hof  
 gefind hat geraßt zū Manphrodina vnd her: Al-  
 funsus künig zū Arrogonia hat sy mit aller zerung  
 vñ notürffkait in seinem reich reichlichen auß ge-  
 halten vñ verzert vnd hat zway scheff mit der kai-  
 serin roß vnd meylar mit den dienern vñ notdurf-  
 tigkeit über mór auff sein zerung für geschickt.



**A**dem tag der auffart Jesu cristi. wur-  
 den zūgericht zwo groß galleen mit al-  
 ler irer notürffkait. in die selbig ist die  
 kayserin mit irm volck bayder geschlecht eingan-  
 gen vnd seind darnach gefarn tag vnd nacht biß  
 wir seind komen in das reich Dalmacia Nit verr  
 von Ragus Da seind wir beliben nur ain nacht  
 An dem andern tag sein wir aber tag vnd nacht  
 gefarn vñ komen gen Sadres da ist die kayserin  
 mit irm dienern bayder geschlecht in die stat gan-  
 gen in die haubtkirchen. Da hat man ir gehalten  
 ain gesungen ampt vnd etlich meß zū den hat sy ge-  
 opfert. in der selbigen kirchen haben wir gesehen  
 den leib des hailigen sant Simeons. der da jesum  
 cristum in sein arm hat genomen vnd sprach Nun  
 laß herr deinen knecht in dem frid. Vnd die frau

Kayserin hat ym ain guldin ring mit edeln gestayn  
an sein synger gesteckt vnd ym den geopfert vñ ge  
ben vnd in der selbigen kirchen raffen vil hayliger  
leichnam Vnd haben darnach in den galeen vn  
sern mittag mal geessen Darnach sein wir mer ge  
farn tag vnd nacht im mör vnd seind komen bey  
venedig zů gelandt in der porten oder gestat des  
mörs bey dem kloster sant Nicola vnd in dem sel  
bigen kloster hat die fraw Kayserin mit irn leütten  
bayder geschlecht herberg gehabt. in dem selbigen  
kloster ist der wasser krieg ainer. in dem vnser herr  
iesus auß dem wasser wein hat gemacht auff der  
hochzeit. vnd daselb haben wir gerafft drey tag da  
byn ich krank gewesen vnd hab nit mer dann ain  
mess gelesen in den eern sant Nicolaus

**E**n dem pfinstag das ist an dem achzehenden  
tag des mayen Do ist komen der durchlechtigist  
herzog von venedig mit den edeln größern vnd  
eltern der selbigen stat. vnd haben die alldurch  
lechtigist fraw Kayserin mit irer gesellschaft mit al  
len eern vnd reuerenz empfangen vnd haben sy ge  
fürt in ander galeen vnd schest die da vast geziert  
war vñ haben sy belayt Aber die Kayserlich maie  
stat vñ herr lasla künig zů hungern. herr Albrecht  
herzog zů osterreich vnd der venediger volck vñ  
vil frembder herren seind auf dem wasser ir entge  
gen komen mit mer dan fünff tausent scheffen ga



leen fűſten barckern zullen von allerlay ſchiffungē  
vnd haben allerlay ſpil vnd kurtzweil laſſen ſehen  
vnd alſo die allerdurchleichtigſte kayſerin mit al-  
ler eer vñ reuerentz empfangen vnd haben ſy in die  
ſtat in das pallaſt das ir maieſtat zů berayt was  
belaydt vnd gefůrt vnd auf allen thůrn hat man  
trumet vñ in den ſcheffen des mōis vñ darzů mit  
pfeiffen puſawñ vnd allerlay ſaytenſpil freůd vnd  
froloctůg erzaigt vñ beweift. vnd in allen kirchē  
mit allen glocken geleit vñ warlichē da iſt ſo groű  
hochzietlich Zer vnd zier erzaygt worden das ich  
ſchāg vnd main wann vnſer herr Jeſus mit ſant  
Marx kām in der venediger herrſchafft vñlleicht  
thāt man ym nit vil grōűer reuerentz vnd eer vnd  
alſo ſeind ſy zů venedig beliben etlich tag vñ haben  
da geraſt geſehen vnd verſtanden zů ſant Marx  
den ſchaz vnd reichtumb die magnificentz vñnd  
macht der venediger. vñ die venediger haben der  
kayſerlichen maieſtat allezerung reichlichen aufge-  
richt vñ bezalt. Darnach iſt der kayſer die kayſerin  
vnd der kűnig von hungern mit ir geſelſchafft kō-  
men in die herſchaft Portunaw. die gehort zů den  
herzogen von ſteyrmarck Da haben ſy etlich tag  
geraſt Darnach ſeind ſy geritten durch das patri-  
archat vorgaul forum iulij őrber ain waſſer haift  
tulmendt vñ darnach kōmen in daz herzogtumb  
gen kernten gen villach vnd in das herzogtumb

Steyrmarck gen judenburge da haben sy gerafft

**A**U dem neünzehenden tag des monets Junij das ist des brachmonts Seind die allerdurchlechtigest fraw Leonora Kayserin vnd herr lasla künig zu hungern mit ien edlñ vnd gesellschaft bayder geschlecht komen mit freiden in die new stat vnd das volck der selbigh stat mit sambt den vmsyzeren. haben sich versamelt vñ seind der fraw Kayserin vñ dem künig lasla mit grossen eern vnd reuerentz entgegen gangen. vnd haben sy als es sich gepürt empfangen Aber die Kayserlich maiestat vnd die Kayserin haben mit lang beyamander mögen beleyben in der newen stat vnd haben nit vil rñe gehabt von wegen der veindschafft vñ widerwärtiger ansüchung Auf wien vñ Osterreich. vñ die fraw Kayserin ist abzogen von der Kayserlichen maiestat Als auß forcht der selbigen veindschafft gen Leobin in steirmarck vnd hatt da so lang gewart byß sy die Kayserlich maiestat berüfft hat

**A**Am sibenzwaintzigisten tag des Augsts des selben jars seind komen die abgesagten wolgeborn vñ edel herrñ herr vlrich graff von Ziligh herr vlrich eytzinger Die wiener vnd ettlicher ander osterreicherr herrñ die haben ain punt vñ ain früntschafft oder verstentnuß gemacht mit den hungarischen bohemischen vñ mährischen herrñ die dan

die fürsten des hause Österreich oft bekriegt  
 haben vnd das land zu Österreich zerstört Die sel-  
 ben sind komen mit grossem volck für die neustat  
 vnd als man pflegt zu thun so man ain stat belegt  
 sich vergraben pasteyen vnd schirm auffgeschla-  
 gen vñ puchsen vñ zelt auffgericht. vnd sind also  
 wie die abgesagt vñ vider die kaiserlich ma-  
 iestat komen vñ habn da wellen habn vnd begert  
 der kaiserlichn maiestat vetter vñ fründ herr lasla  
 künig zu hungern vnd böhem. Der noch nit das  
 vierzehend jar seins alters volbracht het. Auf den  
 heuden der selben kaiserlichen maiestat zu regiern  
 sein reich vñ hertzogtumb Wir herin die an solich-  
 er that schuld haben hört zu Es wär nit not gewe-  
 sen soliche puntnuß ain kait oder verstentnuß wi-  
 der die römisch kaiserlich maiestat so bald zu ma-  
 chen So man wil ansehen die trew vnd die war-  
 hastig tadt die die römisch kaiserlich maiestat hat  
 seinem lieben vetter herr lasla beweist vnd geton  
 Dañ do der selbig künig lasla in der wiegen ist ge-  
 legen vnd hat gesogen die brüst der Ammen vnd  
 was gekrönt worden mit der kron sant Steph-  
 ans. Do hat die selb kaiserlich maiestat auf gr-  
 osser vñ hoher anruffung der durchlechtigsten fra-  
 wen Elizabeth zu hungern vñ böhem künigin. zu  
 österreich hertzogin. Die mütter des herr-  
 nigs den selben herr lasla mit seiner Ammen vnd  
 f. iij



die frau vñ junckfrau elizabeth seiner schwester  
vnd die hailig kron sant Stephan. Auf den hen-  
den der hungriſchñ veind mit hoher groſſer weiß-  
hait vnd mit groſſen vñ ſchwären koſtung vnd  
zerung gen grätz vnd in die Neüſtat geſundt vnd  
friſch bracht vnd geſürt vnd hat yn vñ ſein ſchwe-  
ſter Elizabeth mit groſſem vleiſß behüt vnd auß  
groſſer lieb die er zñ yn hat gehabt Alle ding die  
yn nottürffig ſind gewefen trülich geben vnd  
raichñ laſſen vñ ſy nach irn ſtand als ſich gebürt  
Als wärn ſy ſein aygne kinder gehabt vnd gehal-  
ten hat vnd dñs herzogtumb oſterreich Als ain  
trewer gerhab ſeins lieben vettern in groſſem frid  
gehaltñ vnd beſchirmt Er hat ym ain ſtat noch  
ſchloß zñ geaygent Er hat nyemandt vnrechtig-  
lichen gelaydigt O du groſſer neyd vnd haß. Ir  
habt eüch verbunden begert vñd eingefürt die  
haubtſeindt des hauß oſterreich von den andern  
zungen die ir mit krafft vnd macht ſolt außtriben  
haben Das ſy nit über eüch herſchten vnd das ſy  
nit ewre güter fräſſen nemen vnd verderben vñ  
das auch nitt auffgericht wurd ain einwendig-  
er krieg in Oſterreich. yedoch ſo hat eüch verſürt  
der haymlich neid vñ haß das ir ſolichs ding ge-  
thon habet. Der vnſchuldigſt vnd durchleichti-  
giſt herr Laſla hat geſehen vnd gehört vñ erkant  
die groſß trüw ſeines lieben vettern. die ir nit hñm

vñ sehen haben wollen Aber ir werdñ sehen was  
 eüch noch wirt ergeen vnd beschehen in dem dü-  
 ren holz Also der allerdurchleichtigist kayser als  
 als am freidsamer hat gehabt die senftmütigkyat  
 des künigs dauid vnd behalten vnd hat den selbi-  
 gen sein lieben vettern her lafla künig zñ hungern  
 vnd böhem vnd hertzog zñ osterreich durch die  
 hochwirdigisten herrñ vnd vatern den **V** Erz-  
 bischoff zñ salzburg **V** bischoff zñ freysing vnd  
 wolgebornen grafen **V** von maydburg **V** vnd  
 schauburg vñnd andern geborn herrñ die sein  
 maiestat dar zñ verordnet het mit allen eern vnd  
 hof dienern in die hend der vorgedachten abge-  
 sagten die in aym pund beyainander gesund frisch  
 vñnd frölich eingewantwurt stünden oder warn  
 Den selben künig den haben sy mit ir geselschafft  
 gen Wien gefürt vñnd ich main das die selbig  
 thät das sy kain sorg haben gehabt vnd kain auff-  
 merckung auf die groß höhe der übertreffung kay-  
 serlicher wird die dem hauf osterreich ist zñ ge-  
 stāden sey ain potschafft ain vñkund vnd ain warzai-  
 chen ains grossen künfftigen vñbels.

**D**o man zalt tausent vierhundert vñ dar-  
 nach in dem fünffundfünffzigisten jar  
 An dem sechzehenden tag des monets  
 Nouembris das ist wintermonet vor dem auff-  
 gang der sunnen Ist geborn dem allerdurchleich-

tigisten herin dem kayser sein erstgepomer sun her  
Cristoff in der Neustat saltzburger bistumb. vnd  
do man zalt tausent vierhundert vnd darnach in  
dem sechs vnd funffzigsten jar An dem ain vnd  
zwanzigsten tag des merzen. ist der selb erstge  
pomer sun verschaiden. vnd in dem neuwen kloster  
sant Bernhards orden vor dem hohen altar be  
graben.

**N**tem do der durchleüchtigst heri Künig  
Laßla. künig zu Hungern vñ Böheme. ic.  
der kayserlichen maiestat vetter. den die  
selb Kayserlich maiestat von der wiegen erzogen  
hatt vnd mit grossen vleiss behüt An sant Cle  
mens tag zu Prag gestorben vñ begraben ward.  
Do seind all herin auß Hungern Erzbischoff Bi  
schoff Prelaten Herzogen. grafen Freyherin Rit  
ter Edel Stett Burger des selbigen reichs Hun  
gern. zusamen komen in ain landtag vñ haben da  
nach loblicher gewonhait des reichs Rat gehabt  
vnd sich vnderredt auff die wal aines künigs vñ  
wor des selbigen reichs vñ kron würdig war. das  
die selbig haylig Kron die man nendt sant Stef  
fens kron ainem vnwürdigen vnd eingedungen  
mitsampt dem Reich nitt zugeaygent ward. vnd  
die selbig haylig kron was zu der zeyt in den her  
den des kayser Fridrichs. Also haben sy aintrech  
tigklich zu ainem waren rechten vnd vngeswifel



ten künigen zu Hungern Dalmatian Croatien  
rechtlich erweilt auß vil mercklichen vrsachñ den  
selbigen durchlechtigsten herrñ herrn fridrichen  
römischen kayser zu osterreich Steyrmarch gepor  
ner hertzog vnd haben da gesandt vñ geschickt ir  
hochloblich vnd weise potschafft mit gewalt vñ  
krafft vnd mandat ir aller mit irn brieffen vñ an  
hangenden insigeln bevestigt zu der kayserlichen  
maiestat vnd haben sich da gegeben vñ geopfert  
vnd seiner maiestat verkündt vnd zu gesagt Das  
sy dise wal ainträchtiglich götlich vnd rechtlich  
gethan vnd entlich beschloffen haben Do hat der  
alldurchlechtigst herr der kayser Der zu der zeit  
zu Grätz was seine landleüt auß seinen hertzog  
tumb vñ ländern berufft zu ym vñ hat yn gesagt  
ain tag vnd hat die newstat benendt das sy auff  
den selbigen tag dahyn soltten kommen Damitt  
das die durchlechtigst fraw Kayserin auch da  
bey mocht sein Die dann grof schwanger was  
vnd nahend bey der geburt Darnach dasebs in  
der Newenstatt an dem suntag in mitter vasten  
An dem man singt Letare jerusalem Do man zalt  
tausent vierhundert vnd neün und fünfzig in der  
haubtkirchñ der selben stat in gegenwirtkait des  
alldurchlechtigsten kayfers vund der kayserin  
fürsten graffen freyen herrñ rittern edeln bayder  
geschlecht vnd alles volck vnder dem götlichen

ambt Da der hochwirdigst in got vater vñ her:  
herr sigmundt geborn von volckenstorff Erzbis-  
schoff zñ salzburg vñ legat des stils zñ rom. das  
ambt gesungen hat Da ist die ob bestymbte wal  
vñ erwelung in hungern beschehen. durch die ob-  
bestymbte porschafft vñ ambasiatores des künig  
reichs hungern vorgetragen gezeit vñ vor allem  
volck gelesen geöffnet vñ berüfft mit grosser solen-  
nitet vnd mit billicher vnd redlicher protestacion  
kundschaft vnd zeügenuß volendt vñ volbracht

**I**n der selbigen zeit der fasten in dem jar  
do man zalt tausent vierhundert neunt  
vnd fünfzig An dem zwayundzwain-  
zigsten tag des mertzen Nach mittag zwischen  
fünffen vnd sechsen hat die allerdurchlechtigst  
fraw Leonora römische kaiserin vnd nun fñrohin  
zñ Hungern Dalmacien Croacien rñnigin ic In  
der Meistat geporn vnd in das liecht dyser welt  
bracht vnd gegeben ain sun Den selbigen hat der  
ob bestymbt hochwirdigst vatter vnd herr herr  
Sigmund Erzbischof zñ salzburg getaufft vñ  
von dem tauff auch gehebt vñ hat ym vff gesetzt  
sein aygen namen das er genendt vnd gehayssen  
soll werden Maximilianus Den selben well der  
allmechtig vnd ewig got behñten vñ beschirmen  
vnd well ym verleihen das er hoch vnd gros mit  
grosser glückberkayt werd wachsen vnd vil jar

vnd lange zeyt in grosser gesundhait leben vnd  
das er sein samen in die vierd gepurt werd seen

**I**n dem jar do man zalt tausent vier hun-  
dert vnd sechzig Am dritten tag des  
monets Nouembris das ist der wint-  
terminet In der stat zü wien passawer bistumb  
vor auffgang der sunnen Ist geporn frau helena  
vnfers herrn des kayfers tochter die ist in dem jar  
do man zalt tausent vierhundert vnd ainundsech-  
zig. an dem letzten tag des februarij oder homung  
zü wien gestorbn vnd in der neußstat in dem neuen  
kloster sant bernhartz orden in dem Chor begrabn

**I**n dem jar do man zalt tausent vierhundert  
vnd fünfundsechzig Am dem sechzehendn tag des  
merzen in der Newenstat saltzburger bistumbs  
Ist geporn die durchleichtigist frau vnd junc-  
frau Chunigund Des allerdurchleichtigsten kai-  
ser zü hungern Croation ic künig tochter Die got  
der allmechtig well behüten vn well ir verleihen  
das sy mit grosser fruchperkait vnd glücksamkait  
in ir zeit ward leben

**I**n dem jar do man zalt tausent vierhundert  
vn im sechßundsechzigsten jar An sant lorentzen  
abent Ist geboren herr Johannis ain sun des romi-  
schen kayfers Der in dem andern jar hernach An  
dem fünfzehenden tag des homung gestorben ist  
vn in dem vorgenantn neuen kloster begraben ist






Item dem jar do man zalt tausent vierhundert vñ im sibenundsechzigsten Ist die allerdurchlechtigist fraw Leonora Römische kayserin zū hungern dalmacien croacion ic. künigin zū Osterreich Steyrmarch kernten vnd Krain hertzogin. Der hochloblichs vñ hochscheynends leben. tugendreiche werck vñ hohe geburt. gedult vñ demütigkait hie auff diser seyten vñ über mór vñ in dem hailgen römischen reich vñ in den enden der welt in dem höchsten lob erscheint vnd ain widerschein geben haben Auch ir natürliche fruchtperfait vñ ir angeborne mildigkait vñ hantraichüg in irn aller edelsten samen vñ frucht mer vñ mer mit der hilff gotes mit hayl vñ grosser glücksamkait leichtñ vnd widersehennen werden. Die da auch ain nachvolgerin ist gewesen aller güter werck Die da auch hat getragen barmhertzige augen vñ gelyder über die armen bekümmerten vñ betrübten vnd aller Lere vñ erberkait ain liebhaberin Die selb hat sich beklaidt mit dem himlischñ harnasch vñ gezierd vñ allir hoffnung vñ züuersicht ganz gesetzt in got den herñ vñ mit güter vernunft mit allen sacramentñ versehen mit ainem seligñ ziehen hat sy bezalt die schuld der menschlichen natur vnd auß berüffung des almechtigen gotes Ist sy saligklichñ gefarn auß disem jamertal An dem dritten tag septembris das ist der

herbstmon vnd ist begraben in der Neustat saltzburger bistumb in dem Newen kloster sant bernharts ordens in dem Chor vor dem hailigñ sacrament. Also ist sy in dem herbstmonet geborn vñ in dem dreissigisten jar irs alters gestorbn̄. vnd ir sel rūt onzweyfel in dem hailigñ frid Sy hat nach ir gelassen ain sun heri Maximilianum vñ ain tochter scaw vñ junckscaw Künigund. die da die zeit in iren kindlichen altern warn Durch die vns der allmächtig got well zū schicken fridliche zeit. vnd gnadenreiche jar auffrichtung der göttlichen gerechtigkeit. Dardurch ain yeder bey dem sein beschitmbt werd Amen

**E**z zu lob Eer vñ besunderm wolgefallen Dem alldurch leichtigsten. senfemütigsten fürsten vñ herñ heri Maximilian Römischen künig ic vnserm allernedigsten herñ. Ist diß vorgeschriben loblich hystori vnd warhafftig geschichte zū samen gebracht. gesetzt vnd vom latein in teütsch geweyt auß vil serternlin vñ sandebrieffen Von dem würdign vnd gaislichen vater vnd herñ heri Nicolao bischoff zū ypponia vñ auß günstiger lieb vñ naygung zū dem oft gemelten Edeln vnd küniglichen geschlecht verordnet. durch mittel des erbern jacob wackers von saltzburg büchdruckers solch hystori mit dem druckh gemaynsam zumachen das also beschehen vñ glücklich geendet ist In der künigliche reichstatt vindelica Augusta Auff den. xij. tag Decembris Des iars als man zalt von Christi geburt. tausent fünf hundert vnd drey jar.







SPECIAL

86-B

DD

27456

173

L25

1503

